



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

NYPL RESEARCH LIBRARIES



3 3433 06829523 1

1

—

(Born)
ZMT







0001
LMT



JOANNIS PHYSIOPHILI

OPUSCULA.

CONTINENT

MONACHOLOGIAM; ACCUSATIONEM PHYSIOPHILI;

DEFENSIONEM PHYSIOPHILI; ANATOMIAM

MONACHI.

Collegit, edidit & prafatus est


P. ALOYSIUS MARTIUS.



Augusta Vindelicorum,

Sumtibus Editoris.

1784.



P. P. P. P.
F A S T ,

PHILOS. ET A. A. L. L. DOCTORI , ECCLESIAE
METROPOLITANÆ VINDOBONENSIS AD S.
STEPHANUM CHORI MAGISTRO.

COMMILITONI SUO
OPUSCULA
JOANNIS PHYSIOPHILI
SUIS CURIS COLLECTA

D. D. D,
P. ALOYSIUS MARTIUS,



ALOYSIUS MARTIUS
FASTIO SUO
S. P. D.

*M*itto tibi strenuissime Fastie ! nitidior-
rem & comptiorem Physophili Mo-
nachologiam , variis auctam accessioni-
bus , quam denuo recudi curavi. Mira-
beris forte me id jam aperte agere, quod
nuper publice negavi. At scies retracta-
tionem illam, tabellis publicis augustanis
insertam, me inscio, ab occulto quodam
monachismi fautore fabricatam fuisse, id
quod solemniter in sermone meo, ad popu-
lum augustanum die Pentecostes 1783. ha-
bito, indicavi ; Nostra enim interest ut
pateat coram omnis conditionis homini-
bus , quam stultus & præcox fuerit mo-
nachorum triumphus ob funestam Socie-
tatis exterminationem. Sperabant tum,
calamitatem Societatis ipsorum incremen-
to profuturam ; sentiant jam, quod unus-
quisque emunctioris naris prædixerat :
desertum fulcimentis suis monachismi æ-

difficium properasse in ruinam & extinctionem nostram verius cladem & excidium totius exercitus monastici, quam stragem singulae tantum cohorte illatam, fuisse. Tu, cui opuscula hæc in perpetuam amicitiae meae tesseram do, dono, dedico, curabis, ut in manus omnium perveniat libellus.

Exspecto ut de fatis, quæ in reformante hoc seculo apud vos de die in diem subit religio, certiore me semper reddas. Audio quidem jam fastidiosas & nefastas videri fastiditis Vindobonensium stomachis instructiones tuas catholicas. Sed macte animo nū Fastie! Veniet tempus quo fastosa Fastii doctrina tanquam semen, quod sub hieme incredulitatis delitescit tantum, non vero emoritur, cum fastu fastigabitur in aristas, & fructus
se-

*feret egregios, nequaquam fastidium, sed
sitim ampliore verbi fastiani, cientes, &
in hanc spem, si fas est prophetam agere,
jam nunc diem fastum, quo Fastius ad
fastigium dignitatis parochialis evectus
fuit, cum religioso quodam fastu in fa-
stis ecclesiæ rubra creta notari vellem.*

*Inviderem fere gloriæ tuæ, si esset
invidiæ locus inter commilitones, quos
idem zelus pro causâ veræ religionis in-
cendit, tam strenue pro aris & focis se-
dis romanæ dimicas, tam gloriose, exer-
citus in arena athleta, triumphas!
Quam magnifice semper in publico appa-
res! præcedentibus lento passu gravi-
simo illis P. P. P. P. Videor mihi videre
consulem romanum suis stipatum lictori-
bus incedere, aut Patrem Patriæ, Pa-
cificatorem Populorum, vel Præfectum*

Prætorio Provinciæ Pannonicæ advehi. Sed meliori certo titulo tu quadrijugum tuum P. P. P. P. meruisti, ac imperatores illi & consules, proh dolor! ethnici, qui nomen Parthici, Punici, Pannonici, Patris Patriæ, Protectoris Populi, Præsidis Provinciæ, & quæ sunt reliqua vanæ gloriæ attributa, non nisi sanguine cæsorū hostium & lachrymis expilatarum Provinciarum nominibus suis adscripserunt. Tu opportune Patris titulum obtinuisti, cum Patris officiis, & castis conjugalis amoris amplexibus voto solemniter renuntiasti; Patricii nomen in fonte baptismi feliciter suscepisti. Præputius unanimi populi consensu salutatus es, cum nuper victor, e pugna contra impugnatores præputii redux, salutiferum illud præputium præputiato sacerdotio vindicare; laudabiliter tandem nuperrime

Pel-

Pelliceus appellatus es, cum boni pastoris officio functus innocuam tonderes ovem & pelle ovina accingeres humeros ut lubentius sequatur grex præeuntem — pastorem.

Succumberem, fateor, sub his bene partæ gloriæ stimulis, si nomen meum tot & tantis ornamentis oneraretur actuum; & ideo in humilitate cordis mei adoro dispositionem divinam, quæ me non atletam gloriosum, sed humilem gladiatorem, non instructorem & tibi-cinem catholicum sed exiguum concionatorem urbiculæ vix non catholicæ esse voluit. Pergo nihilominus alacriter, tuo incitatus exemplo, satisfacere vocationi meæ & quamdiu pulmonibus meis non deficiet spiritus, non desistam anathemizare, excommunicare, damnare omnes,

quotquot occurrent mihi , Paganos & Ethnicos , Lutheranos & Calvinistas , Anabaptistas & Antipapistas , Sciolos & Neologos , & , qui pessimi sunt omnium , Jansenistas ; non desistam stupor esse & ludibrium gentibus in hac valle lacrymarum , ut merear aliquando in cælo coronam incorruptibilem , quæ unica sit spes mea & vatum.

Tu gloria tua & in hoc mundo quoque fruiere ; uterque tandem nil agamus , quam quod facit A. M. D. G. Vale iterumque vale.

Dabam Augusta Vindelicorum

3. Junii 1784.

JOANNIS PHYSIOPHILI

S P E C I M E N
MONACHOLOGIÆ

METHODO LINNÆANA

TABULIS TRIBUS ÆNEIS ILLUSTRATUM.

Ego autem vehementer laetor, in mea Patria inter reliqua studia ad Insecta (monastica) etiam perquirenda, describenda, dignoscenda, commilitonum sensum excitari curam & cogitationem; nisi enim me fallit conjectura jucunditas, hinc futurum auguror, ut abjectissimis quidem in rebus etiam agnoscamus supremi artificis manum & sapientissima consilia. Quinque hoc pacto, omni in eum pietati, nostro satisfacere officio conati fuerimus, haud praeclusa, opinor, nostra diligentiae, adentisque in rerum omnium nexu animis, via erit, ad ea invenienda remedia, quae Insectorum, (Monachorum) quibuscunque noxis recte opponamus, immo spes tum nobis affulgebit, fore; ut quemadmodum cetera divinae virtutis munera, ita Insecta (Monachos) quoque ad eos fines usque conversamus, quos se assequi ubique poterimus, rerum in universonum omnium creaturarum nullam nocuisse intelligemus.

*Linnaeus,
de noxa insectorum.*

JOANNES PHYSIOPHILUS

L E C T O R I

SALUTEM.

A tempore, quo purgata a sophismatibus Peripateticorum mediique ævi crepundiis Philosophia, in pristinum, digniorem matre omnium artium, splendorem restituta fuit, Historiæ naturalis studium quoque maxima cepit incrementa; Summi enim viri, in cognitionem & cupiditatem amœnissimæ hujus scientiæ tracti, eam, resectis commenticiis fabulis remotaque obscuritate, paulo subtilius excoluerunt; varias rerum omnium procreatricis classes pervagantes, cuncta, quæ sive in superficie terræ crescunt & vegetant, aut in visce-

sceribus telluris coagulantur, accuratius examinarunt, unitisque viribus obscuriora scrutantes, inventa sua cum orbe literario continuatis curis communicarunt, & corpora quæ nos foveant, curant, sanantque, scriptionibus philosophicis illustrarunt, ita ut vix intentatum aut intactum quidquam superesse, & messe facta, jam in spicilegium tantum veniendum esse videatur.

Rem actam agerem, si viros recenserem, colligendo, definiendo & distribuendo totius rei naturalis apparatus, de naturæ studio optime meritos, aut nomina eorum adferrem, qui unam solum naturæ classem, aut genus unum corporum, præsertim organicorum, peculiari studio pertractarunt. Id vero tibi, L. B. reticere nequeo: mihi a teneris ad naturæ studium non impulsio tantum sed etiam laceratio visum quoque fuisse, omnem prope de naturæ ope-

operibus scribendi materiem exhaustam,
& vix reliquum esse aliquid, cujus ne-
que scientiam neque explanationem ha-
beremus, cum, nescio quo fato, in
memorabile illud Solonis dictum inci-
derim: *Nosce te ipsum.*

Aurea hac sententia perculsus in
hominem hominisque diagnosin atten-
tius indagavi, species varias anthropo-
morphas cum homine comparavi, &
ecce! inopinato genus novum detexi,
quod hominem, entium creatorum per-
fectissimum, cum simia, stultissimo ani-
mali, connectat arctius, tantumque hia-
tum hominem inter & simiam repleat:
Monachum puto, genus humanam for-
mam mentiens, quamvis diversissimum
ab homine.

Longe absum ut eos, qui historiae
naturalis scientiam profitentur, inad-
vertentiae arguam, quod versantem
quo-

quotidie sub oculis Monachorum gregem propius examinare hunc usque in diem neglexerint, cum hominis vultus & figura, quam præsefert Monachus, errorem facile excuset, & quorum scientiam de omnibus fuisse constat, eorum ignoratio de aliquo purgatio debeat videri. Mihi vero non possum non applaudere, studio meo operaque tandem novum latissimumque apertum esse campum, in quem excurrant Naturæ scrutatores, industriam suam exercituri, & me quoque opportunam nactum esse occasionem, rem naturalem ampliandi & pro viribus meis promovendi. Non equidem tantum mihi fumo, ut eum esse me putem, qui materiam hanc absolvat, & Monachorum innumerabilem exercitum in compendium redigat; præsertim cum eruendi prius sint generis hujus & specierum genuini characteres, & colligenda omnia, quæ de natura singulæ speciei innotuerunt; id quod fieri nequit, donec Naturæ studiosi omnes totius orbis Monachos sibi

occurrentes aut notos, ad leges systematicis majori diligentia descripserint. (C)

Interea, & usque dum excitati ad
studium Monachologiæ votis & hortati-
bus /

(*) Si Hierarchia universa ad methodum Mammalium Linnæi ordinanda esset, Monachos ad *Bruta* referendos esse mihi videtur. Sed filo ariadneo munitum esse oportet eum, qui ex hoc labyrintho extricare sese posset; Genus Monachorum fors in familias tres, seu in Monachos sarcophagos, ichthyophagos. & phytiphagos distribuendum?

Characteres specierum desumendi a Capite, Pedibus, Ano, Cucullo, Vestitu.

CAPUT est vel pilosum vel fetosum, vel rasum; variat capillitio hæmisphærico, corolla pilosa, falcata; *Mento* imberbi vel barbato.

PEDES calceati. subcalceati, nudi.

CUCULLUS aut versatilis, aut latus, aut mobilis; & dein acuminatus, infundibuliformis, cordatus, brevis, elongatus, apice truncato, vel subulato &c.

bus meis annuant Physiologi, manipu-
lum Monachorum methodo linnæana
ex-

ANUS nudus, semitectus, tectus.

VESTITUS. *Vestis & Tunica*, in qua adnotetur panni species, color, & an lata aut stricta. *Scapulare*, latum, strictum, pendulum, ligatum, obtusum, laticaudum; *Collare*, adfutum tunicæ, latum, rigidum, nullum; *Scutum* — *appendix cuculli* — pectorale & dorsale, ejusque figura; *Manica*, æqualis, angustata, larga, saccoſa; *Pallium*, longum, breve, plicatum, æquale; *Tegmenta interiora*, Indusium, Interula &c. *Cingulum*, latum, teres, coriaceum, laneum, linteum, nodosum &c.

Obſervetur porro: *Clamor seu sonus*, an melodus vel ingratuſ, cantans vel orans, gutturalis vel naſalis, clamor ſeu vel murmurans, ſiebilis vel hilaris, grunſiens vel latrans? &c. *Inceſſus*, an tardigraduſ, feſtignans, ignavus, duruſ? — &c. *Habituſ totiuſ Monachi*; num aſteruſ vel laſcivuſ, ruſticuſ vel graciliſ, graviſ vel leviſ, modeſtuſ vel hypocrita &c. *Moreſ*: tempuſ clamoſiſ, ſilentii probationiſ, occupatio. *Vicuſ & Potuſ*; *Odor*; *Locuſ habitationiſ*; *Metamorphoſeſ*; *Specieſ hyprida*, e. g. *Servita ſepentrionaliſ*; *Varietateſ ſub diverſo Climate*; Addatur *hiſtoria ſpecieiſ, ortuſ, abolitioniſ, & differentia ſeſuſ.*

**exactius definire tentavi; quem in hoc
specimine tibi, amice Lector! offero.
Nec inutilem aut præcōtem laborem
meum credes, si in animum induxeris:
Principes olim, invita & dissuadente
quamvis œconomia natura, exterminandis venatui & segeti nocivis animalibus, lupo, accipitre, passere &c. occupatos, jam eo curas omnes convertere, ut noxiæ humano generi Monachorum species extirpentur, foreque ut scriptores seculi nostri, qui deperituras has species solertius determinare prætermiserunt, a posteris summæ incuriæ accusentur, si futura ætas, deficientibus certis uniuscujusque speciei characteribus, conservandas fors sculptas aut pictas Monachorum effigies a se invicem distinguere, certoque nomine definire in vanum laboraret, & ad vagas ac fluctuantes, quæ de Monachis existant, descriptiones relegaretur.**

His, quæ addam, non habeo; &
fi haberem non adderem, ne ultra præ-
fationis limites excurram.

Dabam Augustæ Vindellicorum
28. Decembris. anno Chr.
1782.

TER.

TERMINI MONACHOLOGIÆ

ET

EXPLICATIO TABULARUM.

Tabula I.

- f. 1. Caput pilosum, cum macula nuda in vertice.*
- f. 2. Caput setosum, sulcatum corolla lineari.*
- f. 3. Caput rasum, capillitio hemisphærico.*
- f. 4. Caput rasum, corolla pilosa continua.*
- f. 5. Caput rasum, corolla pilosa interrupta.*
- f. 6. Velum Monachæ.*
- f. 7. Velum faciem operiens.*
- f. 8. Cucullus versatilis.*
 - a. Margo sinuatus et dorsum gibbosum cuculli versatilis.*
 - b. Cuculli facies posterior apice truncato.*

Tabula II.

- f. 1. Cucullus versatilis ad latus dextrum protractus.*

- f. 2. *Cucullus latus latior.*
- f. 3. *Cucullus rigidus brevis, punctato-squamosus.*
- f. 4. *Cucullus latus brevior.*
- f. 5. *Cucullus latus pallii, absorbens cucullum laxum tunicae.*
- f. 6. *Cucullus mobilis, subcordatus, demissus.*
- f. 7. *Cucullus mobilis, infundibuliformis, caput tegens.*
- f. 8. *Demissus.*
- f. 9. *Cucullus mobilis, subcordatus, caput operiens.*
- f. 10. *Scutum pectorale subrotundum.*
- f. 11. *Scutum dorsale angulatum.*
- f. 12. *Scutum dorsale cuspidatum.*

Tabula III.

- f. 1. *Cucullus mobilis acuminatus.*
- f. 2. *Scutum dorsale linguiforme.*
- f. 3. *Manica æqualis lata.*
- f. 4. *Manica æqualis replicata, seu retusa.*
- f. 5. *Manica angustata.*
- f. 6. *Manica larga.*
- f. 7. *Manica saccosa.*
- f. 8.

- f. 8. *Manica jaceulosa.*
- f. 9. *Scapulare strictum.*
- f. 10. *Scapulare latum.*

Tabula IV.

- f. 1. *Scapulare obtusum.*
- f. 2. *Scapulare signatum.*
- f. 3. *Scapulare laticaudum, anticum.*
- f. 4. *Scapulare laticaudum, posticum.*


Tabula V.


- f. 1. *Cingulum teres seu funis trinodosus lineus.*
- f. 2. *Cingulum teres seu funiculus lineus duplex et quinquenodosus.*
- f. 3. *Anus semitectus prætexta pannea.*
- f. 4. *Anus caligatus,*
- f. 5. *Sandalium pedis subcalceati.*
- f. 6. *Calceus pedis calceati.*

Tabula VI.

- f. 1. *Cingulum coriaceum cum fibula ferrea.*
 - f. 2. *Cingulum laneum.*
 - f. 3. *Anus semitectus prætexta lintea.*
 - f. 4. *Crepida lignea.*
 - f. 5. *Crepida coriacea.*
 - f. 6. *Planta pedis lignea.*
-











12.

10.









1.



2.






3.





4.














MONACHUS.

DEFINITIO. Animal anthropomorphum; cucullatum; noctu ejulans; sitiens.

DESCRIPTIO. Corpus Monachi bipes, erectum, dorso incurvato, capite depresso; semper cucullatum & undequaque vestitum, si in speciebus quibusdam caput, pedes, anum, manusque nudas excipias. Cæterum: animal avarum, foetidum, immundum, siticulosum, iners, inediam potius tolerans quam laborem. Oriente occidenteque sole, præsertim vero noctu, congregantur Monachi, & uno clamitante clamant alii; Ad sonum campanæ concurrunt omnes; Incedunt fere semper bini; Vestiuntur lana; Vivunt e rapina & quæstu; Mundum sui tantum causâ creatum esse prædicant; Coeunt claudescente, nuptias non celebrant, foetus exponunt;

2

In propriam speciem sæviunt, & hostem
ex insidiis aggrediuntur.

Sexus alter a mare vix differt, nisi
capite semper velato, sed Monacha mun-
dior; minus fiticulosa, e domo, quam
mundam servat, nunquam prodit. Ju-
nior ludibunda omnia arripit, undequa-
que circumspicit, mares nutitando salu-
tat. Adultior & anescens mordax & ma-
ligna evadit, irata maxillas ore hante
exagitat; Monachæ vocatæ respondent:
Ave; Data venia garriunt promiscue,
tinniente campana abrupto sermone ob-
mutescunt.

DIFFERENTIA. Homo loquitur, ratioci-
natur, vult. Monachus, mutus nonnun-
quam, ratiocinio & voluntate caret,
regitur enim tantum arbitrio superiorum,
Hominis caput erectum; *Os homini subli-
me dedit calumque tueri jussit Et erectos ad
sidera tollere vultus*; Monachi caput de-
pressum, oculis in terram dejectis. In
sudore vultus panem querit homo; Mo-
nachus otiosus saginatur. Homo inter
homines habitat; Monachus solitudinem
querit, & sese abscondit, lucifuga. Un-
de patet: Monachum genus esse mamma-
lium distinctum ab homine, medium in-
ter hominem & simiam, huius proximio-
rem,

rem, a qua vix non voce & victu dif-
fert. *Simia quam similis turpissima bestia*
vobis!

LOCUS. Habitat sponte versus Austrum, co-
actè versus Septentrionem; multiplica-
tis speciebus feraci monstrorum Africae
vix cedens.

USUS. Terræ pondus inutile. Fruges con-
sumere nati,

I. MONACHUS BENEDICTINUS.

Monachus benedictinus : imberbis ; Capite setoso , corolla lineari fulcato ; Pedibus calceatis ; Ano caligato : Veste nigra lanea corpus totum & pedes circumambiente ; Cucullo laxo , subrotundo , lato ; Scapulari pendulo , plano , latitudine abdominis ; Collari rigido , albo - emarginato ; Cingulo lato laneo aut holosericeo ; Pallio nigro descendente usque ad talos . Tegmentis internis plerumque nigris , indusio e manica , angustata ad radicem manus , prominulo .

Habitus Monachi benedictini gracilis , incessus tardigradus , capite minus depresso .

Clamat ter quaterve de die & media nocte , nonnunquam primum ad cantum galli , sono profundo , *tardo* ; & tum induitur tunica crispo - plicata , lata , manicis largissimis , caput vero tegit bireto quadrangulari .

Omnivorus ; jejunat raro ; hora quarta post meridiem sitit , & ad *haustum* convocatur ; Auri sacra fame vexatur ; nummos studiosè conquirat , & in ærarium congerit . Nonnulli vegetant tantum , alii studiis delectantur , e. g. Congregatio Mauri in Gallia .

Ex

Extra domum deponit cucullum (*) & scapulare cingulo ligat; caput contra aeris injurias pileolo cristato, & pileo buplicato tuetur.

Fœmina caput velo subtus albo, supra nigro, & frõtem, genas, pectusque sudario albo abscondit.

Varietatis utriusque sexus infinitæ, in loco natali describendæ, ignotis veris characteribus.

Habitat in collibus, *Colles Benedictus amabat.*
Peregrinus in urbibus.

II.

(*) Connecit Ecclesiasticos cucullo destitutos cum Menachis cucullatis; *Natura non agit per saltum.*

II. MONACHUS DOMINICANUS.

Monachus dominicanus, imberbis; capite raso, corolla pilosa, lata, continua; Pedibus calcéatis; Ano. caligato; Tunica lanea textili alba, loro, tres digitos lato, cincta; Cucullo versatili, versus cervicem gibboso, margine sinuato, ad apicem obtuse truncato; Appendice cuculli, seu scuto pectorali, rotundato, dorsali acuminato, cum sutura longitudinali utrumque hoc scutum dividente; Manicis æqualibus latis, replicatis; Collari albo, quod vix apparet, cum potissimum mentum crassum & adeps nuchæ cervicis in truncum corporis excurrat; In lucem prodians pallio nigro laneo longo, cum cucullo scutoque pectorali & dorsali nigro, inferiorem album tegente, induitur. Tegmentis interioribus albis potissimum, manica interulæ stricta, infra latiore prominenti.

Fratres laici, pallio destituti, cucullum & scapulare nigrum nunquam deponunt.

Habitus Monachi Dominicani hypocrita; incessus lascivus; facies perfida. Latrat media nocte, voce ingrata, rauca.

Eximio olfactu poller, vinum & hæresin e longinquo odorat. Esurit semper polyphagus,

Ju.

7

Juniores fame probantur. Veterani, re-
legata omni cura & occupatione, gulæ in-
dulgent, cibis succulentis nutriuntur, mol-
liter cubant, tepide quiescunt, somnum
protrahunt, & ex Suis diætâ curant, ut
esca omnis in adipem transeat, lardum-
que adipiscantur. Hinc abdomen proli-
xum passim præferunt; senes ventricosi
maximi æstimantur. Virginitatis sacræ oso-
res in venerem volgivagam proni ruunt.

Generi humano & sanæ rationi infestissima spe-
cies, in cujus creatione non se jactavit
auctor auctor naturæ. Prædam e longin-
quo speculatur, & indicantibus aliis con-
currit, eam nifu astuque adsequitur & in
accensum rogam compellit; dum circum-
stans Monachorum, sanguinem & mortem
anhelantium, corona miseræ prædæ crucia-
tibus insultat, sibi que ululatu horrendo &
execrabili latratu applaudens, spolia inter
se dividit. Crudelissimum omnium inqui-
sitorem generalem dicunt, qui obtutu so-
lo enecat. Pessimi in Hispania, Lusitania,
& America meridionali. Sed nec nostrates
veneno carent, lethales si in clima cali-
dus transportentur. Versipelles, jam al-
bo jam nigro colore vestitos, voluit natu-
ra, ut dubii omnes metuerentur ab omni-
bus; Ne nimium sævirent, creator benefi-
cus humano generi imperantes dedit, qui
speciem hanc aut exterminent, aut excan-
tationibus innocuam reddant.

Mo-

Monacha dominicana præter velum nigrum & mores candidiores non differt a mare.

Sequitur M. D. leges Dominici Hispani, qui primus in genus humanum, annuente summo Pontifice, igne sæviit, & ne deessent, qui rabiem hanc exterminatricem propagarent, seculo 13^{tio} ordinem instituit Monachorum, igne & ferro doctrinam prædicantium.

Simbolum speciei canis rabie percussus, facem accensam præ se ferens, tormenta, ro- gum, mortemque minitans.

III. MONACHUS CAMALDULENSIS.

Monachus Camaldulensis, barbatus, barba in pectus demissa; Capite setoso, corolla lineari sulcato; Ano caligato; Pedibus calceatis, planta calcei lignea; Tunica alba, pannea, rudi, pedes lambente; Cucullo rotundo laxo; Manicis æqualibus latis; Scapulari, tunicæ longitudinem æquante, ligato cingulo panneo albo: Collari stricto, adfusa tunicæ. Pallio albo, lato, corpus totum involvente, ad pedes usque; Interula lanea indusi loco, cum cilicio, spinoso nonnunquam, dorsum radente.

Habitus Monachi Camaldulensis austerus; incessus gravis.

Gregatim cantat septies de die & media nocte, sono gutturali, profundo, tardissimo; Silet domi; Occupatur contemplando, ut ajunt; Vegetat otiosus; Prodit rarissime.

Vicitat piscibus, ovis, vegetabilibus; tempore jejunii legumina & farinam oleo inquinat; Sicim vino pellit.

Prodiens calceamenta lignea deponit & calceos induit.

Fratres laici loro cinguntur.

C

Fæ-

Fœminâ non nisi capite velatâ a maribus discrepat.

Habitat in montibus sylvestribus.

Obediunt Camaldulenses regulæ Benedicti, e præscripto Romualdi cujusdam, qui monachos tunica alba vestitos per scalam in cœlum ascendere somniavit, & visione hac admonitus vestem nigram Benedictinorum in albam mutavit. Extincta hæc species in ditionibus Monarchiæ austriacæ anno 1782.

IV. MONACHUS FRANCISCANUS.

Monachus franciscanus imberbis; Capite raso, corolla pilosa continua; Pedibus subcalceatis; Ano semitecto; Tunica fusca pannosa; Cucullo mobili, subcordato, brevi; cum appendice seu scuto pectorali subrotundo & dorsali triangulari, decurrente infra funem trinodosum linteum album, quo bis cingitur abdomen; Manicis æqualibus, amplis satis, ut intra eas manus abscondantur; Scapulari nullo; Pallio fusco infra anum finiente, connexo fibula ossea circum pectus. Interula pannea indusii loco cutem fricat, cui circa nates adligatur prætexta pannea, ad genua fere porrigens.

Habitus Monachi franciscani rusticus; incessus mensuratus; Tunica undequaque sacculis scatet; cucullaribus, quo comestibilia abscondit; axillaribus, in quibus fermentat tabacum; pectoralibus, pro pixide; manicalibus, pro strophio conservando. Hircum olet; Auri & argenti contemptor ventrem tantum curat, quem bis quotidie carne aut piscibus replet; Ruminat interdum otiosus; Mendicans benefactoribus detracto cucullo herbam nicotianam porrigit; Icunculas, schedulas triquetras, amuleta, aliasque hujus farris nugas, mira metamorphosi, in vinum &

cibum transmutat. Dimicat cum suis, & hostem non raro clam trucidat.

Cantat sæpius de die & nocte media usque ad crepusculum, voce alta clamorosa.

Corporis vires juniorum per annum unum probantur; species spuria; quam Hybernæ dicunt, intellectum quoque excolit.

Monacha Franciscana tela nigra caput velat; ceterum mares imitatur.

Asteclorum hujus ordinis innumere varietates, obscuriores, moribus, vestitu & habitu diversæ.

Habitat in oppidis & urbibus.

Genivus Francisci filius, & æternus, si fides habenda Patri Franciscanorum, qui divino numine se afflatum putans, prædixit: interitum prius genus humanum, quam hanc speciem; ne fors turbetur æconomia Naturæ, cum, vel sublata unica cœmici specie, catena, qua creaturæ omnes cohærent, rumperetur.

Primum laborum Francisci socium Porcum fuisse annales speciei narrant. Dubius enim Franciscus, qua ratione persuaderet Innocentio III, ut suam vivendi rationem approbet, suam vidit in luto se volutantem, cujus exemplo tractus luto quoque se immergit, & derelicto dein comite lutosum sese summo sacerdoti ostendit; qui motus hæc pietate legibus Francisci benedixit ad initium Sæculi 13ⁱⁱ. Ita Sus Minervam.

V. MONACHUS CAPUCINUS.

Monachus capucinus; Mento, genis & margine oris superiore barbatus; Capite raso, corolla pilosa ad sinciput interrupta; Pedibus subcalceatis; Ano & collo nudo; Tunica fusca, pannosa, frustis panni abrahi undequaque adsutis, cum plicis duabus abdominalibus. Cucullo mobili, elongato, acuminato, versus apicem subulato, infundibuliformi; Manicis equalibus latis, brachia villosa tegentibus; Scapulari nullo; Fune linteo albo, trinodoso; Pallio ad anum abrupto, quo dorsum, abdomen & manus involvuntur. Tegmentis interioribus nullis.

Habitus Monachi capucini miser; incessus ignavus; facies torva, Simiæ satyro maxime affinis. Odorem tetrum spargit. In cucullo & oculis sub axillis omnia abscondit & conservat. Tunica replicata absque impedimento cacat & mingit, anum fune abstergit. Dorsum facile flectit, & ad nutum magistri procumbit humi. Aurum & argentum non tangit, sed venatur pediculos, quibus vexatur, & quos non occidit; pugnat tamen cum confratribus. Rabies irati mitigatur, si mulceatur barba, quam summa cura pascit. Ejulat fixis diei & noctis temporibus, sono nasalī, ingrato. Vorat & bibit omnia, silet sapius,

pius, vix cogitat; Efuriens prodit & cibum mendicat. Stramenta pro lectulo congerit.

Monacha capucina velo superiore nigro, inferiore albo, utroque ad frontem subcordato; Collo nudo; Pectore sudario albo munito.

Juniores bajulando ligna, mundando utensilia, verrendo quisquilias, terram lambendo anno uno probantur, ut innotescat: quid valeant humeri, quid ferre recusent.

Fratres tertiarii, capite setoso, velut larvæ, nondum totum Monachum induerunt, & cucullo destituuntur.

Habitat in oppidis, etiam urbibus sese intrufit.

Soboles Francisci, reformata a Matthæo Bassi.

15

**VI. MONACHUS AUGUSTINUS
DISCALCEATUS.**

Monachus augustinus discalceatus, imberbis; Capite raso, corolla pilosa continua, pileolo nigro rotundo quinquepartito; Ano semitecto; Colla nudo; Pedibus subcalceatis; Tunica nigra pannea, lata satis, loro nigro, cujus frustum liberum ab umbilico infra genua descendit, lumbos circum constricta; Cucullo mobili, brevi, subcordato; scuto pectorali rotundato, dorsali vero in angulum acutum coarctato; Manicis æqualibus ad manum retusis; Pallio nigro ad femora usque porrecto, officulo albo connexo; Indusio laneo.

Habitus Monachi augustini discalceati imbecillis, facies crapulenta, incessus titubans. Cantat de die nonnunquam, & media nocte, sono melodo, alto; interdiu orium inter & crapulam marcescit. Vindobonensis intestina Principum, aromatibus farcta, custodit.

Carnivorus; insedabili siti cruciatur, sed hydrophobus aquam non fert; dum vero sitim aridam, miserum torquentem, vino sedare cupit, sitis altera crescit. Vino sepultus vinum somniat. Gemmante vite lætius cantat.

Hebetato per vinum largius haustum stimulo,
segnis in Venerem, sexum alterum neg-
ligit; hinc rara Monacharum hujus spe-
cies cœnobis; nulla vero in Germania
vitifera.

Habitat in urbibus & pagis prope Tylvas.

Regitur legibus Augustini, a Thoma quodam
lusitano, an in melius an in pejus? refor-
matis sæculo 16^{to}.

VII. MONACHUS TRINITARIUS.

Monachus trinitarius, imberbis; Capite raso, capillitio hæmisphærico; Pedibus subcalceatis; Ano semitecto; Tunica pannea, alba, loro nigro, ad marginem scapularis prominulo, ligata; Cucullo laxo, albo, cum scuto pectorali brevi rotundato, dorsali vero longiori cuspidato. Scapulari stricto, tunica brevior, signato. Manicis æqualibus replicatis. Pallio fusco, femora versus demisso, cum cucullo fusco, cucillum album tunicæ absorbente. Scapulari & pallii latere sinistro cruce rubra & cærulea signatis; Indusio & prætexta lanæa.

Habitus Monachi trinitarii gravis; Incessus properans; Facies exotica. Clamat media nocte voce dissona, ingrata; Domi ichtyophagus; extra septa monasterii, quamprimum aquam, sicco quamvis pede, transiit, polyphagus, intestinis animalium semper vescitur, & inde Gallis *Mange-trippes* audit. Carnem humanam appetit, nundinatione hominum occupatus, Europæos spoliatur, prædamque piratis Africæ & Asiæ advehit, servos emturus. Ex Oriente redux senectam, seu barbam, induit.

Peregrinantium & nundinatorum more propria uxore caret — nisi fors in Hispania æstuante climate — & aliena utitur. Maritus, cujus domum monachus Trinitarius fubit, cornigeri cervi meminerit, qui Patres speciei, Joannem de Matha & Felicem a Valois, semper comitatur, omnesque imminentis periculi admonet. Patres hi, cervi hortatu, affectus suos, utpote a reliquis Monachis victu & moribus jam dissentientes, separarunt & in propriam speciem coegerunt, sæculo XII.

Absoluta migratione hybernat in urbibus.

VIII. MONACHUS CARMELITA CALCEATUS.

Monachus *carmelita calceatus*, imberbis; Capite raso, corolla pilosa continua; Pedibus calceatis; Ano caligato; Tunica fusca pannea, loro nigro ad umbilicum infra scapulare latum constricta; Cucullo laxo, lato; Scuto pectorali brevi, rotundato, dorsali triangulari, apice anum attingente; Collari panneo fusco; Manicis æqualibus latis; Pallio albo, laneo, tunicam æquante, cum cucullo laxiore & scuto dorsali & pectorali subrotundo, omnia tunicæ inferioris additamenta tegente. Indusio linteo, interula pannea.

Habitus Monachi *carmelitæ calceati* robustus; facies vegeta; frons impudica; humeri ampli, incessus durus.

Saginaturn carne. Clamat de die & noctu voce aspera.

Pugnax & libidinosus jurgia & rixas quærit, ad ineunda cum singulis suæ speciei Monachis certamina proclivis. Irato obviam ire periculosum est. Sed & nocturnas rixas amat & Veneris certamina. Genitalibus maximis gaudens, præsertim in Gallia, mulieribus facile vim infert.

Mo-

Monacha sequentis speciei huic quoque Carmelitæ servit.

Habitat in urbibus.

Originem a Monte Carmelo ducit, & se filium
Elizæ & Elifæi esse jactat; sed degener al-
te virtutis patrum est, si quis unquam!

IX. MONACHUS CARMELITA DISCALCEATUS.

Monachus carmelita discalceatus, imberbis; Capite rasō, corolla pilosā continuā; Pedibus subcalceatis; Ano semitecto. Tunica fusca, panneā, ligata loro nigro, lato, infra scapulare strictum, obtusum, tunica brevius. Cucullo laxo, lato, sinuato, cum scuto pectorali subrotundato, dorsali acuminato; Manicis æqualibus replicatis; Pallio albo panneo ad genua porrecto, cui adhæret cucullus latus, subversatilis, & scutum pectorale fere rotundatum cum dorsali triangulari. Indusio & prætexta lanea.

Habitus Monachi carmelitæ discalceati modestus satis; incessus tardigradus, passibus quasi numeratis.

Piscibus, ovis, lacticiiniis & farina nutritur, abstinet a carne. Cerevisiam omni potui præfert, sed & vinum quotidie gustare cogitur. Cibo satiatus ex instituto dormit, clamat vero media nocte voce monotona, profunda. Juniores pediculosi e cœtu ejiciuntur.

Monacha carmelita, austerior nonnihil, præter caput faciem quoque velat, & in concionem convocata pallio longiori, quam mares, vestitur.

Alii gregatim habitant in urbibus, alii in eremo artificiali subfolitarie vagantur. Hi crepitaculum quasi in cauda gerunt, veluti Crotalus. Quoties enim stimulo carnis aguntur, toties pruritum hunc suum pulsando campanam fratribus annuntiant, quorum unus quisque gratulabundus repetito clangore fausto omni applaudit & sic concupiscentia unius per omnem sylvam centies resonat. Anachoretæ hi barbam pascunt, nec deponunt ex eremo reduces.

Dispersa hæc olim per Asiam species in familias ab Alberto Patriarcha Hierosolymitano anno 1205 coacta, restituta fuit seculo 1920 a Theresia virgine hispana, qua jubente, sepositis caligis, anum & pedes denudavit.

X. MONACHUS SERVITA.

Monachus servita, imberbis sub cœlo mitiori, barbatus in terris septentrionalibus, barba bifida, sæpissime ardenti; Capite raso, corolla pilosa filiformi, ad scin-
 put interrupta; Collo nudo; Pedibus cal-
 ceatis; Ano caligato; Tunica nigra pan-
 nea; Cucullo mobili, subcordato, cum
 adfuto scuto pectorali brevi rotundato,
 & dorsali triangulari. Scapulari lato,
 subtus obtuso, libero. Manicis æquali-
 bus replicatis; Cingulo coriaceo nigro,
 ad pedem sinistrum defluo. Pallio nigro
 panneo, femora versus abrupto; Pileo
 lato, rotundo, circum circa caput & hu-
 meros obumbrante.

Habitus Monachi servitæ & facies Judæum
 mentitur; Incessus ignavus.

Cibum & potum omnem appetit. Vicinos no-
 ctu e somno excitat clamore gutturali,
 tremulo.

Avaritia & luxuries in hac specie sedem fixit.
 Usurator nummos mille modis corradit &
 custodit. Paupertatem præferebat, cum
 semper egeat avarus. Die Mercurii &
 Veneris usuræ & libidinis crimina expia-
 turus, noverca manu in culpæ expertem
 anum flagellis nodosis sævit.

Im-

Imberbis in Italia, barbam eo fine induit in Germania, ut Josephum Barchi Capucinum, familiarem Mariæ Julianæ Archiducis viduæ, quæ Servitam ex Italia in Germaniam transposuit, in gregem suum alliceret; gnarus: *bircum præscissa barba in alienos greges non transire.* (*) Hoc pacto Capucinus & australis Servita in unum coaluit, prodeunte ex hoc connubio hybrida Servitæ nostratis specie.

Bigamus; binas enim Monacharum varietates nutrit. Aliæ reseratæ, aliæ regulatæ dicuntur; Illæ a Servita Monacho nonnisi velo diversæ, *neque laborant, neque nent, sed crescunt velut lilia campi*; Hæ stella cærulea in fronte, & macula rubra versus mamillam sinistram notatæ, idololatæ, Mysteria priapeja 26ta cujusvis mensis & sexta Januarii celebrant, (**) Hierophante Servita.

Habitat in urbibus.

Monachus Servita septem mercatoribus italibus originem debet, inde Avaritiæ & usuræ studium; Primum cœnobium speciei hujus in suburbio florentino, inde luxuries.

XI.

(*) Plinius Hist. nat. l. 28. cap. 13.

(**) Regelbüchel zum Gebrauch des Regelhauses. Innsbruck 1614.

XL. MONACHUS LA TRAPPE.

Monachus la Trappe, imberbis; Capite festoso, fulco lineari circumscripto; Lignipes, calceis enim ligneis incedit. Ano caligato; Cucullo nigro, mobili, acuminato, brevi; Tunica alba pannosa; Scapulari nigro stricto, ligato cingulo nigro laneo; Manicis angustatis; Collari rigido albo; Indusio laneo. In concionem convocatus calceis induitur & tunica latissima alba, manicis largis, cucullo linguiformi, elongato.

Habitus Monachi la Trappe lugubris; incessus lente festinans; obtutus meditabundus.

Misanthropus, hominem & propriæ speciei individua fugit, oculis semper terræ affixis.

Mutus, ejulat corpore contortuplicato sæpius de die & noctu, sono murmurante flebili.

Phytiphagus, baccis, pomis, pyris, rapis, oleribus nutritur. Succo e fructibus carnosus expresso potatur.

Grex Monachorum, quos aut perfidus & vefanus amor, aut omnium rerum amissio & desperatio recuperandi, aut vitæ tedium

D

in

in cœtum unum congregavit. Re nulla terretur Latrappius. Meliora non expectanti mori optimum videtur; In sordibus, lamentis, luctuque continuo jacet; dormit in tumba; sapientiam, quæ ab iis, qui desperant, recedit, stultitiam esse asserit. Aegroto remedia non porriguntur, desperatis enim medicinam adhibere vetat Hippocrates. Moribundus cineribus imponitur & circumstantibus confratribus, quorum unusquisque miseri fato invidet, expirat.

Destructionem, non vero sui multiplicationem in votis habet; nec sexum alterum cognoscit.

Solus ex omnibus Monachis laborat, arat, terramque fodit; sed fructu laboris, sui fruuntur superiores speciei, qui laute vivunt & prandent. *Sic vos non vobis fertis aratra.*

Benedicti nepotes, Bernardi filii, e Cistercio in desertum profugerunt mente capti & extra spem omnem positi. Cœnobîa speciei hujus rectius asyla desperantium dicæ, & amentium ergastula.

XII. MONACHUS PAULANUS.

Monachus Paulanus, imberbis; Capite piloso, cum macula rotunda nuda in vertice; Pedibus calceatis; Ano caligato; Tunica nigra panniculosa lata; Cucullo triangulari mobili, punctato-squamoso, rigido, e panno duplici acu coadunato, ita ut caput cucullo tectum cataphractum videatur; Collari nigro, albo-emarginato; Manicis largis, ad radicem manus replicatis, ad cubitum saccois, inepte factis ad genua usque defluentibus; Scapulari lato, subtus rotundato, antice ad genua usque, postice infra genua descendente, laticaudo; Scapulare hoc utrinque futura longitudinali dividitur in partes duas æquales & secatur futura transversali triangulari, angulo antice sursum versus pectus, postice deorsum versus anum posito. Cingulum laneum teres, cum decurrente per pedem dextrum funiculo duplici quinquenodoso, ad mammillam sinistram colligatum, tunicam & scapulare stringit. Indusium, interula & tunica, quam nec noctu deponit, oleum, quod corpus transpirat, redolet.

Habitus M. P. luridus; incessus ineptus, fluctuans; odorem exhalat rancidum, qui stomachum movet, & nauseam ciet, velut oleum effusum. Nil foetidius crepitu

tu ventris, quem explodit. Pediculis, pulicibus, omnisque generis insectis, quæ oleo fugantur, caret.

Cantat media nocte, voce clamosa: de die stertit, aut, occupatus in otio, oleum operamque perdit.

Respuit carnes, lacticina, ova; Vescitur piscibus, & vegetabilibus, quæ oleo ungit. Culinam hanc suam foetidam reparat nonnihil avibus aquatilibus: Fulica atra, Mergo albello, Anate querquedula, quas pro piscibus habet, & dein rana, testitudine &c. Siti inextinguibili & stimulo carnis continuo vexatur.

Fors androgynus, sexus enim alter in hac specie nondum detectus.

Fratres laici distinguuntur Scapulari antice longiori & postice breviori.

Habitat in urbibus & oppidis.

Nata hæc species in Calabria, patria oleæ, patre Francisco a Paula, obstetricante Alexandro VI. Pontifice, seculo 15to. Franciscum hunc, totum quantum oleo maceratum, aquæ supernataffe inter miracula ferunt; sed quis nescit oleum aquæ innatare?

ALE.

ALETHOSTOMUS PHYSIOPHILO

S. P.

Scriptorum tuorum genus etsi erat semper a me vehementer expectatum, vicit tamen opinionem meam Monachologiæ specimen, quod per tabellarium nuper accepi, legi, & relegi; Nec potuit relegendis attentio languescere tot capta blandimentis, tot excitata aculeis. Quam opportune sibilas omnium non bipedum solum sed & quadrupedum ineptissimum genus, monachos; quam festivo eos admones, quam fuisse castigas, quam grata novitate & quantis illecebris moraris lectorem. Id denique mihi placet: te non scrutatum es-

se omnes pæne monachismi sordes, ne stomachum moveres; non excussisse unamquamque speciem, ne crebra repetitione fatigares legentes. Venit jam in manus omnium libellus; Magna undique contentio, magni clamores; Disputatur in utramque partem. Hi subtilitatem & elegantiam styli admirari; Sermone jocosum venustum, purum, politum, plane atticum & ad notandos hominum mores præcipuum, extollere; Summæ dicendi facultati, copię, ubertati applaudere; Scriptum denique tuum humanitatis, venustatis, salis, leporis esse specimen; Illi te dicendi genus inopportunum, ambiguum, sinistrum, iniquum amplexum esse; Sermonem esse jejunum, turpem, spurcum, fædum, impudentem, omni obscœnitate & opprobriis refertum; Stylum rudem negligentem, confusum; Alii te dilucidam & distinctam historiæ naturalis methodum, quam neque latam neque ornatam nimis esse oporteat, adoptasse, itaque secundum naturam enuntiasse singula, ut ab ipsarum magistra verba accepisse videare; omnia vero te quadam hilaritate conspersisse, quæ
ve-

velut condimentum palatum excitat & dum a radio defendit orationem, audiendi sitim facit. Alii te materiam religiosam acriter & cum convitio tractasse; Jocandi hoc genus il- liberale, petulans, scurille, flagitiosum, & homine libero nequaquam dignum esse. Horridum esse & obscœnum, caudam, anum, genitalia in medium adferre. Quot capita tot sententiæ; Ridet, plaudit, miratur, excusat te fanior pars, cruciat, exanimat, diripit, & e Christianorum cœtu exulare vult Physiophilum pars austerior disputantium; Rigidiores consulant frontem; disertiores ad mensas publico declamant; male mustitant parum obscurius iniqui: genus hoc scribendi, etsi elegans, personæ tamen & dignitatis non esse, & indicare, moribus aliquid vitii inhærere; Leges canonicas crepant fanatici; Conclamitant denique harioli, haruspices, tertiarii, hypocritæ, aniculæ, præcantatrices, conjectrices & nigra rubigine turba, præeunte, iramque numinum evocante Gabriele Weidero, qui histrioniam facit apud nos hodie, ut olim Jupiter in Plauti Amphitruone.

Ego in hac diffensione nec jam irritare
plures nec contradicere omnibus volo. Do-
cuit enim me experientia vehementes &
acres primos plebis impetus paullatim consilio
& ratione quasi restinctos confidere & evane-
scere tandem, & hoc exspecto momentum, ut
quibuscunque rebus possum, tui absentis dig-
nitatem tuear, id quod etiam amicitiae offi-
cium imponit. Fac interea, animo forte sis,
speresque fore, ut fracto impetu & gloriæ
tuz accedat incrementum, amplitudinemque
nominis tui illustret hominum injuria. Vale.

Dabam Viennæ 3. Julij

1783.

Jo-

JOANNES PHYSIOPHILUS

ALETHOSTOMO SUO

S. P.

A micitia tua ex omni parte in literis, quas a te proxime accepi, se ostendit, non ignota quidem mihi, sed eo gratior, quod consuetudo & studia paria nos a teneris conjungant. Nec optatius mihi accidere quidquam potuit, quam judicium tuum de Monachologiae Specimine, cui innixus perfero eorum, qui de libello male mussitant, imbecillitatem, contemno dissentientis & imperitæ multitudinis auctoritatem, neo non fugaces & caducas

D S

ha.

hariolorum, haruspicum & hujus farris homin-
 cionum obtrectationes. Mitto quoque delica-
 tulos illos, qui nesciunt: Scrutatores naturæ
 suo quamque rem nomine appellare, & dudum
 docuisse Ciceronem: (*), anum & caudam in ob-
 scœnia non esse.

Pueri tantum larvas & personas expave-
 scunt, & ideo nihil habeo quod timeam Gab-
 rielem Weiderum vestrum, quem mimos imi-
 tari referunt & incedere altero erecto, altero
 composito supercilio, idque maxime latus
 ostendere, quod cum iis, quas agit, partibus
 congruit; Narrant alii præter hæc eam esse
 Weideri stultitiam ut nemo hominem, eam
 inscitiam, ut nemo Sacerdotem appellare pos-
 sit.

Quam.

(*) Ad familiar. l. 9. c. 72.

Quamvis vero, ut nosse, ex hominum sermone nunquam mercedem petam, non tamen ferreus ille sum, qui non iis responderem, a quibus provocor. Ascendit, ut audio, nuperrime in rostrum quispiam, & coram amplissimo Censuræ Vindobonensium Senatu impietatis accusavit Physiophilum, quod ex hominum cœtu proscripserit Monachos & placari Numen æternum posse dixerit, etiam si muliebribus religionibus nos non implicemus. Redux Vienna P. Capistranus accusationem hanc e pugillaribus suis exscriptam, & discipuli sui additiunculis interpolatam, mecum communicavit,

Ego meum esse putavi, defensione repellere accusationem, & manifestum facere omnibus, quod, si cui forte videar plus in studio literarum versari, quam ceteri, nequaquam tamen iis utar, ut animos aliorum deterream & avocem a religione. Tu, quem fortuna
mi-

mihi dedit amicum, in cujus pectus curas
omnes deponam, curabis ut & accusantis in-
juria & excusatio defendentis omnibus inno-
tescat, Vale & me ama,

Dabam Neoburgi 1. Novembr.

1783.

MULTUM HONORANDISSIME ET
 SCIENTIFICE
 D O M I N E
 PHYSIOPHILE!

Est antiquum et in experientia fundatum proverbium, quod montes et valles nunquam convenient, bene vero homines. Et in istis proverbiiis semper latet aliquid veri, sicut statim videbit Dominatio vestra. Ego scilicet jam a longo tempore optavi, ut possim venire in correspondentiam cum D. V., cujus spiritum & intellectum multum præconisavit mihi R. P. Capistranus a Mulo Antoni, qui est meus consanguineus; & quia habemus eundem S. Patrem pro fundatore (Ego enim
 sum

sum humilis franciscanus strictioris observantiae, & ille est laxioris observantiae, quia caligas portat & calceos, & nigrum habitum & etiam funem minus crassum, & non toties jejunat sicut nos franciscani, & in choro non tam fortiter clamat sicut nos) ideo sumus dupliciter cognati invicem, semel carnaliter et altera vice spiritualiter; sic multam confidentiam ponit in me antefatus P. Capistranus, & quando venio in hanc civitatem pro collecta, sic semper ipsum visito & me multum amat. Tunc accidit, quod anteheri fuerim ordinatus a R. P. Guardiano conventus nostri — qui aliquot milliaribus ab urbe distat — ut eam in civitatem pro mendicatione lardi, & sic etiam visitavi hunc meum carnalem & spiritualement Patrualem, quem inveni in lecto propter indigestionem, quae est ejus infirmitas ordinaria; nam, inter nos sit dictum, est parum vorax, & isti fratres conventualium fere omni altero die habent duplex, quia celebrant Festa Ordinis & Sanctorum tam strictioris quam laxioris observantiae, quod nos franciscani non facimus, quia Sancti ex ordine con-

conventualium juxta nostram opinionem sunt
 viliores quam nostri, qui sumus veri filii
 Francisci & illi tantum sunt spurii, vel potius
 profelytæ; & ideo etiam semper in proces-
 sionibus & funeribus habemus præcedentiam
 & etiam in conciliis, quando suæ Sanctitati
 placet convocare concilium generale Ecclesiæ.
 Itaque quando me vidit, statim mihi porrexit
 manum & mihi illam pressit & exclamavit:
 Bene est, quod hic sis Pater Onuphrie! Ego
 me non possum levare e lecto, & ideo te ro-
 go, ut scribas Amico meo D. Phisophilo, &
 ipsi dicas meo nomine, quod acceperim per
 aliquem bonum amicum orationem istam, quam
 tenuit Viennæ persona aliqua characterisata &
 etiam ecclesiastica coram censura regia contra
 librum: Specimen monachologiæ; quam ora-
 tionem eidem accludes, & quia habeo fidu-
 ciam in te, ideo rogo ut citissime hanc com-
 missionem facias, quod etiam cum multa de-
 lectatione pollicitus sum, & tantum adhuc
 visitavi aliquos benefactores, qui hic sunt ra-
 ri, quia in ista civitate sunt multi hæretici,
 Lutherani & Calvinistæ & etiam Herrphute-
 ria-

riani, quos Deus benigne velit convertere, nam isti sunt pessimi, quia neque credunt in Deum Patrem, Filium & Spiritum sanctum, & præter baptismum non cognoscunt alterum sacramentum; breviter sunt hic mala mixta bonis, & boni sunt rari, parum enim dant elemosynæ, & sæpe per totum diem non possum extorquere tres aut quatuor libras lardi; Tunc quando veni ad meam hospitiam, ubi semper dormio, sed in omni honore, quia est vidua respectabilis & tertiaria nostri ordinis in fama sanctitatis, sic statim accepi plumam & scripsi. Sed quando volui includere orationem: Ecce! vidi quod sit germanica; & tunc dubitavi, an V. D., quæ est nata in Westphalia ut audio, etiam comprehendat linguam germanicam; igitur statim, relicta sententia minus probabili, tutiorem secutus sum, & stante pede hanc orationem in latinum transposui; sed sub scribendo variæ objectiones & argumentationes & dubitationes mihi occurrerunt, quas semper ex parte adnotavi, & inde non mirabitur V. D. si hic simul inveniet commentarium philologicum, ubi pro
meo

meo tenui modulo philosophica, historica, polemica, moralia & etiam theologica congesti. Miror, quod isti Viennenses sint tanti germanici Michaelēs, & non sciant scribere latine.

Rogo denique pro mea ista opera ut V. D. velit me etiam rēcommendare P. Capistrano, ut mihi aliquando concedat stipendia pro missa, si aliqua habet superflua, quod suspicor, quia habet multos benefactores; Ego valde indigerem pro jentaculo & strophiiis, & tabacco; & in nostra parva civitate P. Guardianus & Superiores, qui habent aliquam dignitatem, statim omnia stipendia ad se trahunt, & nobis pauperculis nihil relinquunt. Certo etiam faciam unum Memento in Missa pro Dominatione vestra, & Deus millies recompensabit. Cæterum lætor quod habuerim occasionem, ut ab initio dixi, innotescendi V. D. quod non fieri potuisset, si ipsa fuisset mons, & ego vallis, quod erat demonstrandum. Recom-
E men-

mendo me humillime suis precibus & benevolentia

Dominationis Vestrae

Augustae Vindelicorum

5ta Octob. 1783.

humillimus Servus

Fr. Onuphrius

attributionibus Antonii Eremitae,
p. t. Studiosus Theologiae
in primum annum.

P. S. Ut cito & secure perveniat ista epistola ad D. V. signabo eam ab extra cum litteris S. A. O. P. N. quod est idem ac: S. Antoni de Padua ora pro nobis, qui Sanctus est valde bonus pro rebus perditis, ut cito iterum inveniantur.

AC.

ACCUSATIO
S P E C I M I N I S
M O N A C H O L O G I Æ

C O R A M
CENSORIBUS REGIIS VINDOBONENSIBUS.

I N
LATINUM TRANSPOSITA

A
F R A T R E O N U P H R I O
O. S. F. ST. OB.

Ego deberem esse nimium longe excurrens,
fi coram vobis omnia elogia adducere de-
berem, quibus illuminati & pii Patres Eccle-
siæ in omnibus temporibus regulares ordines
honoraverunt & recommendaverunt. (1)
E 2 di-

-
- (1) Observabit Dominatio Vestra, quod statim ab ini-
tio Orator ordines regulares cum monachis confun-
dat. Et tamen sæpe nobis dixit P. Pachomius ab
aratro Procopii, Magister Novitiorum — qui fuit
vir vere spiritualis & doctus, & valde bonus ami-
cus meus, cum quo sæpe vesperi me in Domino
cum poculo vini delectatus sum — quod omnia
quæ bona & pulchra de Regularibus apud sanctos
Patres dicuntur, de monachis tantum valeant, &
non de iis Regularibus, qui non habent caputia
cum liripipiis, & qui non habent privilegium men-
di-

Cyprianus (*) vocat sanctas virgines, *florem ecclesiasticæ plantæ, ornamentum gratiæ spiritus, & partem nobiliorem christiani gregis.* (2) Gregorius Nazianzenus, quando pro monachis loquitur, dat iis testimonium, (**) quod illi cum zelo suæ orationis, & cum merito suarum virtutum christiano populo pro honore, ecclesiæ pro basi & columna, fidei pro corona & omnibus pro sustentaculo totius sint.

dicantium iusto titulo a sanctis Pontificibus; Ergo hic erravit longe Orator, & debuisset melius distinguere, quia, qui bene distinguit bene docet, dicit R. P. Lector.

- (s) Præstanter dicit; Ego quidem multum amo has Virgines, & præcipue Clarissas, seu Franciscanas; Fui nonnunquam visitatum cum P. Confessario moniales, & vidi pulchras, quas magis amarem quam flores, & ornamenta ecclesiastica, e. g. vestem missalem & cappam episcopalem, & omnem gregem christianum. Promisit mihi P. Guardianus, quod finito studio theologico me substituet P. Confessario conventus, super quo ego multum gaudebam & etiam moniales; Recte etiam facit Orator, ut mihi apparet, quod statim ordiatur a monialibus, quia certe politia exigit, ut de monialibus in ecclesia primum loquamur.

(*) Cyprianus de discipl. & lab. Virg.

(**) S. Gregor. Nazianz. pro Monach.

sint. Hieronymus (*) scribit: esse choros monachorum & virginum sicut flores & sicut pretiosissimus lapis inter ecclesiastica ornamenta. Sed nemo se clarius explicat, quam id Joannes Chrysostomus in suis libris fecit — quos contra impugnatores vitæ monasticæ scribebat. Quidcunque tantum ex parte rationis & ex parte religionis adæquatum reperiri possibile est, (3) omne hoc iste tam eloquens episcopus hostibus monachorum & religionis opposuit. Omne hoc prætereo silentio; unum tantum locum non possum non adductum relinquere, qui, quemadmodum in nostros dies optime quadrat, ita etiam ex uno ore venit, ejus exlocutiones ipsis hostibus monachorum non suspectæ sunt. Est Fleuryus (**) quem tantum in extractu porrigo. „Rationabilis Lector — ita scribit — nunquam se nimium contra damnatas opiniones Protestantium & malorum Catholicorum custodiet. (4) Nomen

E 3

Mo.

(3) Hallucinatur stupendum in modum, vel male se explicat, quia non credo quod bonam causam defendit, qui omnia corradere debet, ut se defendere possit.

(4) Male argumentatur. Etiam ego sum ens rationale, ut demonstrare possum ex Philosophia, & ta-

(*) S. Hieronym. Ep. 4.

(**) Fleury serm. 3. in historia ecclesiastica.

monachi est ipsis nomen pudoris, sicut Paganis nomen Christianorum fuit. Dicebatur: Hic honestus vir, o si ille tantum non Christianus esset! Tenentur monachi pro indoctis, blasphemiantur, quasi vero essent superstitiosi, hypocritæ & avari; (5) Audent aliqui satis audaciter de his maximis viris non aliter loqui, & ponunt famosissimas actiones in contemptissimum visionis punctum. Sed

VOS

tamen non multum mihi constat, ut me custodiam contra damnatas opiniones & propositiones Protestantium; Nam nihil lego præter scripta R. P. Lectoris & regulam S. P. N. Francisci, & ita certe non intrabit hæreticum aliquid in cor meum. Vellem hoc remedium alta voce omnibus Christianis recommendare, quia probatum est.

- (5) Hæc est vera blasphemia. Thus & candelæ benedictæ contra fagas, schedulæ S. Lucæ, exorcismi boum & suum, panis contra febrem, aqua benedicta cimicifuga, cappæ lauretanæ, & aliæ hujusmodi sacræ res nobis a sanctis personis & per revelationes communicatæ sunt, quæ certe non sunt superstitiones. Hypocrisia apud nos non habet locum, & si cum P. Guardiano & cum laicis extraneis aliter loquimur, quam facimus & cogitamus; hoc exigit modestia religiosa, & ædificatio proximi; & de avaritia nos, qui quotidie consumimus, quæ nobis frater coccus apponit, non sumus responsabiles; sed fors hoc tangit — ut putat P. Guardianus — Religiosos, qui tantum per abusum gaudent privilegiis mendicantium, & tamen possident bona temporalia, & usurantur.

vos, qui in hac historia doctrinam eorum, & eorum incellum vidistis, non obliviscimini quod Basilius & Chrysostomus vitam monasticam non tantum laudaverunt, sed etiam ipsimet apprehenderunt. (6) Judicate jam ipsi, an hi fuerint debiles spiritus. Ego scio, quod dabantur in omnibus temporibus veluti mali christiani, ita etiam mali monachi. (7) Error est non in statu eorum, sed in corruptione carnis; Sed etiam in omnibus temporibus excitavit Deus excellentes viros, qui labantem monasticam disciplinam iterum sursum extol-
lerunt, „ (8)

E 4

Ne-

(6) Possset aliquis astutus objicere, quod loquatur Cicero pro domo sua, ut audiui in Rhetorica.

(7) Sed Monachus malus est rarissima avis, & si etiam est quidam *malus*, tamen non damnatur, quia prædixit nobis aliquis ex Sanctis ordinis nostri, cujus nomen jam non reminiscor, quod Franciscani, & qui regulam hanc sequuntur, non possint damnari, dummodo de nocte nunquam deponant tunicam, & quotidie unum Ave cum devotione orent, ergo semper habent præferentiam præ laicis.

(8) Veluti S. P. nostrum Fundatorem, quia certo per-
iisset Ecclesia, nisi hic Sanctus venisset, & introdu-
xisset caputia & funes, & tunicas crassas in eccle-
siam, & exterminavisset caligas & tibialia, tanquam
superflua e strictioribus observantiis, & ordinavisset,
ut vivant monachi e labore aliorum, quia
non convenit, ut filii Dei laborent, sicut peccato-
res.

Neque etiam est miraculum, si patres & authores ecclesiastici, qui in vestigia patrum ingressi sunt, cum tanto zelo partes monachorum apprehensi sunt. Nam hi erant illi & sunt adhuc hodie, qui non tantum præcepta nostri divini magistri, quæ sine delicto nemo negligere potest, punctualissime implent; sed etiam sua sancta consilia, quæ ad altum gradum perfectionis conducunt, cum plausibilis etiam sub ipso ligamento festivi juramenti in opus ponunt. (9) Si ulterea alibi & in diversis temporibus ordinum status divites fructus ferebant, præcipue in Germania, & in ipsis etiam vastis statibus imperii austriaci; si per eos Germanis lux fidei exoriebatur; si per eos, in ipsis maledictis temporibus discordiarum, meliori parti lucere pergebat; si per eos scientiæ & artes introducebantur & conservabantur; si ipsis magnam partem, formationem, illuminationem, religionem in gratias

-
- (9) Vellem videre, quid faceret Ecclesia sine monachis, qui sunt antiquiores ecclesia; quia vidi sanctum Eliam in ambitibus conventus nostri depictum in habitu Carmelitæ, & credo, quod Elias vixerit ante Christum natum; Exstat etiam alia pictura in oratorio nostro, ubi Franciscanus jam satis senex comitatur Christum ad crucem, & cum ad fortiter moriendum pro redemptione generis humani exilarat; & inde per syllogismum credo demonstrari posset, quod nullus Christianus deberet mori, sine Franciscano aut saltem alio monacho; Quid vero si non essent monachi?

tias referimus; (10) Quale miraculum, si imperatoris nostri celeberrimi avunculi, altissimi Caesares nostri, status monasticos in sinu imperiorum suorum amicabiliter susceperunt, & cum gratis condecoraverunt; (11) Non habeo primo necesse eorum debitam laudem pronuntiare, cum omnia monumenta historica etiam sine conatu pro iis verbum loquantur. Mihi satis est hic adnotare, quod monachi, juxta perspicax judicium Nostri Imperatoris non

E 5

sint

(10) Rogo D. V. ut mihi respondeat; an hoc sit verum? ego hoc non credidissem, nisi hic scriptum legissem. Nec habeo remedium me super hoc instruendi, quia cathedra historiae jam per octo annos vacat in studio nostro tam philosophico quam theologico, & in bibliotheca nostra non habemus alium librum historicum quam historiam passionis & ordinis nostri, in qua autem de doctis Franciscanis nihil est mentionatum.

(11) Narravit nobis, cum essem in novitiatu, magister novitiorum, quod plane aliquis imperator fuerit sepultus cum tunica monachali, cum scapulari & caputio, qui etiam propterea debuisset canonizari; probabiliter iste etiam monasteria fundavit. Conventus noster non est tam nobilis prosapia; Nam piscor aliquis, qui multum luoratus est in tempore, ubi Deo placuit punire peccatores caritate frumenti, ad redimendam vexam in altero mundo, omnem pecuniam suam legavit pro fundatione domus nostrae & simul pro vino in festis duplicibus. Ita refert chronica domus nostrae.

sint filii perditionis honestorum parentum. (12)
 Nam hucusque conamina sua pro salute animarum ita præstiterunt, ut multi eorum ad altissimum mandatum Parochis pro cooperatori-
 bus additi & in hoc tam ponderosum negotium totaliter installati fuerint. (13)

Me ergo tam propter sanctum officium meum, quam scandalum ab omnibus bene cogitantibus avertendi causa, ante Deum obligatum

(12). Metuo, ne incidat Orator in querelam & disputationem cum P. nostro Concionatore festivi, qui in festo S. P. nostri cum multo applausu filium perditum evangelii comparavit cum Francisco, quia iste etiam in juventute sua fuit jovialis studiosus, ein lustiger Vogel, sicut ille; quia in luto se volvit, sicut ille in cœno voluptatum; quia cum porcis conversatus est sicut ille; quia nihil comedit & jejunavit quando nihil habuit sicut ille; & quia egregie commessavit quando fuit festum duplex, sicut ille, quando Pater ejus illum iterum in gratiam suscepit.

(13) Hæc est hæresis; Monachi non sunt facti pro parochia, & hoc est etiam contra institutum vite contemplativæ; quia monachus ex regula sua exire non debet nisi mendicatum, & exorcisatum. Miror tantum, quod Episcopi permittant ejusmodi dispositiones Principibus; sed P. Guardianus dicit, quod pallium juxta ventum vertant. O tempora, o mores!

tum video, potens vestrum remedium veneratissimi Consilarii Censuræ regię pro tutamine tam multorum piorum & doctorum virorum implorare. (14) Suscipio hoc tanto confidentius in me, quanto plus ego in vestram propriam devotionem & profundam perspicacitatem confido. Nam titillatio scribendi jam eo ibat, ut nulla lex pudicitię, modestię, religionis amplius aliquid valere videatur, & homines, quorum fundamentalis scientia ludibrium fiebat, nunc gloriam suam in eo ponant, quod omnes limites honestatis, quibus ab initio adhuc continebantur, audacter supergrediantur; contra omne, quod spirituale est, id est monachos & animarum curatores, in diversis formis temerariarum contumeliarum erumpant, & studiose & incogitanter cum universali contemptione Cleri (15) simul totum ædi-

(14) Per Deum bonum & stigmata sancti Francisci! quis unquam audivit, aut legit aliquid simile, quod ecclesiastici orent laicos; Cur ergo habent potestatem ligandi, & cur non excommunicant hos laicos, si non volunt obedire. Ego si deveniam Episcopus, quod per miraculum divinum fieri posset, clauderem omnes ecclesias, ut nullus mihi intraret, nisi saltaret sicut ego sibilarem.

(15) Quod Clerus contemnatur, hoc nihil facit: Est tantum pœna talionis, quia etiam Clerici monachos contempserunt, & se meliores & sanctiores putaverunt, quamvis habeant caligas & tibialia, &
per

ædificium sanctæ ecclesiæ & benefica religionis suffodiant.

Hoc malum non manebat ibi stare ubi incipiebat, sed crescebat tam invisibiliter, ut pastor & oves — dico hoc cum tristitia cordis — everisionem religionis cum sancta tremulatione advenire cernerent. Initio impugnabant consuetudines, quæ ad essentiam religionis non pertinent, sed per piam fantasmam nostrorum Patrum & per longinquum usum in ecclesia respectabiles sunt. Non sumebant sibi operam falsam aut hyperbolicam declarationem singulorum credentium, a vera explanatione ecclesiæ distinguendi. (16) Illudebant iis, qui hanc operam in se sumebant, & in doctam aut reflexam confusionem vertere querebant; degradabant omnia usque ad demerentiam, quia nihil tam sanctum est, quod non

per consequentiam sint laxiores ecclesiastici quam nos.

- (16) Quia non sunt theologi, & ideo etiam se non deberent immiscere istis rebus; Ego jam sum theologus primi anni & incepi etiam dogmaticam & polemiciam, & dixit mihi jam sapius R. P. Lector, quod natus sim pro polemica, quia habeo pulmones fortes — venit enim secundum etymologiam polemica a pulmone — & tamen ego non auderem disputare de his rebus & explicare ceremonias. Quod bene expressit Cicero: Sutor ne ultra crepidam,

non per obliquam directionem risibile fieri potest; (17) Projiciebant denique absque distinctione omnia fanatica & moderata, privata & communia, abusus & sacras caeremonias sub odioso nomine superstitionis insimul in unum cumulum. (18)

Deinde incipiebant tolerantiam plenis buccis predicare, non illam christianam tolerantiam, qua nostris fratribus supergressiones & erroneitates per Dei amorem ignoscimus, & a qua hi sapientes nimium longe distant, sed potius illam, quam in corde habent, ita prout iis placet & convenit credendi & agendi. (19)

Po-

(17) In festo S. Antonii, quod est festum ordinis & etiam dies onomasticus P. Lectoris nostri, nescio quomodo acciderit, quod post prandium, postquam paullulum dormivi, veniens in chorum e mea cella habuerim caputium oblique & parum ab ante, quod deberet esse a post, & omnes confratres nostri riserunt valde, & hoc probat: quod per obliquam directionem etiam res religiosissimæ, sicut caputium est, possunt devenire risibiles.

(18) Jam ita faciunt isti homines seculares, qui non sciunt quantum in cælo distet caputium a Perucea crispata.

(19) Tolerantia mihi videtur verbum novum, quod non est neque in scriptura neque in theologia nostra.

Postea transibant ad annuntiatores evangelicarum virtutum, ii qui nullam missionem habebant & non semel in fundamentalibus veritatibus sanctæ doctrinæ instructi erant; & faciebant non tantum ineptas & amaras, sed etiam falsas, fallaces & mendaces erruptiones. (20) Infimul cadebant vere furiose indistinctim in servos ecclesiæ, præcipue ordines regulares, quos ecclesia approbavit, & principes susceperunt; non verebantur, vestitum, mores, usus, leges, bonum nomen, ipsarum singularum personarum, non amplius abscondite, sed publice violare, ita ut jam nemo amplius de suo honesto nomine securus sit, qui tantum tentat, unam opinionem

fra. Omnis, qui non est catholicus, est mihi juxta evangelium velut ethnicus & publicanus, & dignus ut extradatur A. R. P. grandi Inquisitori & ejus S. officio in Hispania & Portugallia, ut comburatur hic, sic comburetur in igne æterno; hæc est mea opinio, fundata supra observantiam, quæ hucusque optime profuit S. religioni & multos perversos homines, etiam s. v. Judæos ad fidem catholicam adduxit.

- (20) Quomodo ergo potest aliquis judicare de aliqua re, super quam non habet missionem? quasi vero ego possem dicere & disputare cum cocco, quod aliqua daps e. g. illa, quam nos Germani vocamus *Quetsch* fraut, non sit bene præparata, si non habeo ordinationem & missionem pro culina a R. P. Quar-diano?

nem promere, quæ his tolerantibus contraria videtur.

Perspiciatis absque dubio censuræ regiae venerabiles Consilarii, in quam scripturam particulariter indigitare volo; in scripturam in qua tam multas tangibiles calumnias contra ecclesiasticos regulares, tam multa convicia, injurias & mendacia in rudi, sæpe immundo, & per totum impudico tono superincumulata legimus, ut nunquam aliquid tale in lutherano aut calvinistico libro invenerimus. (21) Immo, quod adhuc plus est, non invenio in aliquo *libro ethnicae antiquitatis* tam multos tractus calumniationis cum lubricis & inhonestis ductibus intertextos, quam nostri tolerantissimi Catholici hominibus alligant, qui se ecclesiæ principaliter consecraverunt & evangelica consilia divini nostri fundatoris pro li-
neali suæ vitæ elegerunt. (22)

Ego

(21) [Iste debet esse liber nequissimus. Audiavi enim murmurare nuper P. Exprovincialem cum P. P. Denuntiatoribus de isto libro, & obstupui, quando dixerunt, quod sit adhuc peior quam Biblia Lutheri, & addiderunt, quod sint plures lubricitates in eo, quam in nostris Casuistis, id quod esset valde multum: viderem, ut possem legere istum librum, sed ego non curo ista mundana, sed — si tempus habeo — tantum animam meam curo.

(22) Hoc probat, quod Ethnici & Turcæ antiquitatis fuerint meliores homines, quam hodie, quia

non

Ego deberem itaque me ipsum pro re-
belle & proditore mei officii aspicere, si non
humillimam meam representationem ad vos
apportarem, & instanter orarem, effreni huic
audaciæ impedimentum facere, pro sustenta-
tione modestiæ, pro tutela publicæ honesta-
tis, pro salvatione boni nominis tam multarum
ovium, quæ simul nobilissimæ partes ecclesiæ
nostræ sunt. Pro meo nomine ego non curo;
emittant furorem suum contra me; ego hoc
semper constanti patientia perferam, nam
confido in eum, qui solus dat fortitudi-
nem; sed quod tam multos præstantes colla-
boratores, qui in vinea Domini sudorem
diei mecum dividunt, (23) tam furiose
ag-

non invenimus neque in Cicerone neque in Hip-
pocrate neque in Propertio aliquid contra mo-
nachos, neque quod Julius Cæsar vel Romulus per-
secuti sunt Christianos & monachos; cum tamen
hodie Patres nostri, qui custodiunt velut angeli
sanctum sepulchrum, sæpissime verbera & fustigatio-
nes perpetiantur a Turcis & Ethnicis in terra san-
cta, quia non volunt derelinquere loca sancta, quæ
ibi existunt, & e quibus habeo frustum lateritium,
præsertim domus bethlehemiticæ, cum authentica
P. Provincialis terræ sanctæ.

- (23) Debet esse terribilis labor in vinea Domini, si tan-
tum sudant isti cooperatores, ut sudorem possint
dividere cum Domino Pastore suo. Deus avertat, ut
etiam nos cogamur ibi laborare & sudare; ego ju-
ra-

aggrediantur, & eorum dignum nomen tam impudice deponant, & calumnientur, ad hoc non possum tacere. (24) Ego non examino, quis sit hujus scripturæ compositor; ego non examino locum ubi effabricata fuerit, id scio, quod ejusmodi scarteka hic vendatur, avide perquiratur & legatur.

Ego non sum ille, qui regulares sine omni exceptione pro invituperabilibus tenet. Aliqui ex illis habent suos errores, dantur inter

ravi tantum, quod velim esse Franciscanus, & non cooperator, & quod velim tantum bibere vinum in vita contemplativa & non laborare in vinea. Dicit quidem evangelium, quod debemus querere panem in sudore vultus, sed de Adamo loquitur, qui fuit sæcularis, & dein de vino non fuit quæstio, quod in collecta autumnali gratis nobis dant rustici & vindemiatores, ut pro iis oremus, non vero ut laboremus, quod etiam diligenter facimus.

- (24) Bene habet; si ego essem Episcopus, ascenderem in cathedram & clamarem sicut dæmon contra istos hæreticos & libertinos, & monstrarem, quod habeam capillos supra dentes, & lavarem ipsis caput, ut sudarent sicut collaboratores mei in vinea; vel sicut noster crassus frater coccus in æstate, quando facit magnum ignem in culina & cubito abstergit sudorem vultus sui, qui est sicuti plenilunium.

ter illos mala membra, quæ sancta sua destinatione indigna sunt. Verum potest aliquis propter aliquos malos totam communitatem condemnare? Dantur falsi monachi — dicit sanctus Augustinus in Psalmum 132 — & nos noscimus; sed ideo vinculum fraternum nondum est disruptum, quia aliqui se ad id confitentur, quod non sunt; dantur falsi monachi, sicut etiam falsi religiosi & falsi credentes dantur. (25)

O inluminantem veritatem! cujus potentiam Erasmus tam energice sentiebat; ut illi testimonium daret; id quod nostros Monachomachos tam multum confundit, quam zelotice illi se alias pro Erasmo declarare consueverunt. Quanta infamia — scribebat in epistola ad Joannem Emstadi. — ideo odere Monachum, quia Monachus est. Tu te christianum vocas & persequeris eos, qui Christo tam similes sunt. Dicitur - - - plurimos stare longe ab imagine primorum monachorum; Bene! ergo nos nullam vitæ methodum approbare audeamus,

(25) Nihil deberet concedere, quia non convenit, ut laici sciant, quod monachus sit capax alicujus delicti. Ideo etiam generalia capitula nostra ordina-verunt, ut delinquentes Franciscani clam decapitentur, ne scilicet fiat scandalum, & ut non credant laici, quod possit Franciscanus peccare.

mus, si nos semel malorum gratia etiam bonos odimus. (26)

Si concedimus inter Apostolos Judam valde malum fuisse, an sequitur, quod status Apostolorum sit malus? (27) Si concedimus, quod in Ecclesia Dei scandala sint, an sequitur, quod Ecclesia Dei sit scandalosa. Si concedimus, quod in uno statu prædones dentur, an inde sequitur, quod status sit prædatorius. Monachi sunt quod sunt cum altissima licentia Imperatorum; sunt subditi, sunt cives status, membra unius societatis, quæ unum & idem ligamentum fraternaliter vincit; sunt super

F 2

hoc

(26) De Erasmo debuisset tacere, nihil teneo de isto homine; Affecturavit mihi P. Professor meus in poetria, qui fuit verus & egregius Jesuita, quod, si recte adhuc in memoria teneo, aut Lutherus erasmizat, aut Erasmus lutherizat, & qui habet aliquam similitudinem cum Luthero, jam natus est; ideo etiam non possum supportare Patrem Martinum, qui fuit meus condiscipulus, quia habuit nomen lutherizans.

(27) Fuit lusco iste Judas, quia fecit pudorem apostolis, & semper ab catholicis affectur contra catholicos. Gaudco mihi, quod se suspenderit, quia odi omnes avaros, qui semper nos abigunt a porta, quando venimus in collecta mendicatum, vel nobis frustum panis porrigunt, quod statim canibus do, qui etiam sunt avari.

hoc adhuc pro instructione populi, pro prædicatione evangelii, & pro distributione sacramentorum in decem parochiis hujus capitalis nobis destinati. (28) Illi habent igitur, prout quivis civis, justum titulum sicuti pro conservatione suæ vitæ ita etiam pro conservatione sui honoris, qui est species vitæ, & sæpiissime pretiosior quam vita ipsa. Quomodo audet unus privatus tentare, tam nobile bonum cum temerariis manibus spoliare. (29)

Ego

(28) Nego, saltem de Franciscanis, quorum regnum non est de hoc mundo, & per consequentiam etiam non sunt cives, & nos non ligat aliud vinculum, quam funis, quem St. Pater noster præscripsit nobis, & in regula mea nihil de instructione populi invenio, quia non sumus ludimagistri, nec parochi, sed Franciscani, quod est summum & maximum, & non mutarem statum meum cum senatore & omni suo labore. Id quod vocationem meam veram esse probat, quam usque ad ultimam guttam sanguinis defendam.

(29) Etiam non adæquate dicit; Nos monachi omni honori mundano renuntiavimus, & non quærimus nisi honores ecclesiasticos, ad quos possumus ascendere etiam sine honore mundano. Nomen meum plane non curo, quia jam in novitiatu nomen meum deposui, & nemo scit amplius, quod fui vocatus Steplizerus, & nunc vocer F. Onuphrius.

Ego confido in notam humanitatem & devotionem vestram, Censores regii! quod non permittetis, ut talis honoris ipoliatio porro vendatur, & *imago* ante omnes oculos exponatur, *quæ* non sine scandalo & morum corruptione aspici potest, & quæ Deo sacratos viros coloribus tam falsis quam odiosis *pingit*. (30)

Totam alteram imaginem præsentat nobis doctus & sanctus Gregorius Nazianzenus. Sese ædificat per illorum castigationes, pervigilatas noctes, pias orationes & sanctas lachrymas. Illorum cantus, quo Deum laudant; eorum sanctæ meditationes; quibus dies & noctes consumunt; eorum abscissi & inartificiales capilli; illorum, more apostolorum, denudati pedes; (31) illorum vestitus, qui mundano luxui objectiones facit; illorum cingula & pallia, quorum ornatio in contemptione ornatus consistit; illorum virilis passus; illorum modestus oculus, illorum silens os, non erant illi objectum humilis ludibrii sed christi-

F 3

stia-

(30) In istis magnis civitatibus varix res videntur, quæ nunquam ad nundinas nostrarum parvarum urbium adferuntur. Debet esse res pulcherrima & stupendissima ista *imago*, *quæ homines pingit*. Nos non videmus, nisi in tempore fori simias, urfos, quos vocant *Taujbâreu* & *schuelle Catbarina*, vel passionem in machina optica.

stianæ ædificationis. (*) Forum modus publice apparendi — scribit ultra hic sanctus episcopus — & eorum methodus abscondite vivendi, ille ad alios docendum, hæc ad se ipsum in mysteriis spiritus instruendum, ita ut in circulo hominum solitudinis suæ obliviscantur, & in solitudine ad fraternum amorem tendant; Immo quod adhuc plus & sublimius, eorum divitiæ in paupertate, eorum possessiones in peregrinatione, eorum gloria in contemptione, eorum potentia in debilitate, eorum *fecunditas in calibatu*, (32) nam sunt nobiliores partus, qui post Deum existunt, quam

(31) Hoc mihi placet, quod nunc sciam, quod etiam apostoli non habuerint calceos, sicut ego. Sed capitium certe non habuerunt, & in hoc sumus perfectiores. Credo, quod iste Gregorius Nazianzenus fuit Provincialis Franciscanorum, vel forte plane Generalis, quia non vidit alios monachos quam modestos, & tantum gaudium habuit cum istis suis confratribus.

(32) Quid sint divitiæ in paupertate & potentia in debilitate, hoc capiat, qui capere potest. De fecunditate autem in coelibatu plurima habemus exempla præstantissima, quæ nemo, nisi hæreticus, negare potest.

(*) S. Gregor. Nazianz. in Orat. 1. de pace post reconciliationem, interprete Jacobo Billio p. 418. & sequ. edit. Parisien. 1583.

quam qui a carne oriuntur; interea ipforum delictum est, deliciis non cadere, interea humiles sunt propter regnum cœli, in hoc mundo nil possident & super mundum collocati sunt; in carne sicut extra carnem vivunt; Deum tantum pro parte sua agnoscunt, propter regnum tantum agentes sunt, & propter egestatem dominantur. Hi itaque meæ delictæ & meæ divitiæ, qualiter mihi, cum præsentibus erant, splendorem & dignitatem dabant, ita me implent, cum absentes sunt, luctu & amaritudine.

Omnes hos tractus beatitudinis perfectæ vitæ, & christianæ ædificationis, quibus hic doctus aliquis pater ecclesiæ statum monachorum pingit, compositor novissimæ scartekæ miserabiliter detorsit, rudibus & fallacibus coloribus repræsentavit, & evangelica consilia in illis viris, qui ea exercent, ludibrio plebis & risui exposuit. (33)

F 4

Ideo

(33) Væ isti homini, dolco ex corde, de anima paupercula, quia certe est de facto excommunicatus, & quod idem est, damnatus; deinde videbit cum suo dam-

Ideo obsecro vos, venerandissimi censores regii, cum omni pia energia, quæ pastori convenit, cui conservatio ovium (34) ad cor jacet, ut effrenatæ libertati, contra famulos ecclesiæ scribendi, eo arctiores limites ponatis, quo minus se sanctitas eorum officiorum cum quotidie crescente contumelia, quæ tantum contra eos venenum effundit, comportat.

Nam etiam si ejusmodi impudicæ scripturæ judicium damnationis jam in fronte portant,
&

damno in inferno, an non sit melius esse humilis rusticus vel ignorans monachus, quam superbus philosophus & scriptor; sed isti homines nunquam cogitant de inferno, donec incidunt in griffos diaboli, e quibus nulla est redemptio.

(34) Præstans pastor est, quod de conservatione ovium cogitet. Sunt enim in oeconomia magnæ utilitatis; tondentur bis per annum, & inde fiunt sacre nostræ tunicæ, & deinde versus pascha faciunt agnos, & ideo bis etiam per annum habemus collectam, semel pro lana & altera vice pro agno paschali.

& apud honestos sapientes victoriam bonæ rei confirmant, tamen quivis aculeus contumeliæ in majori & debiliore parte vulnera relinquit, quæ non tam facile curantur. (35)

Ego confido ergo primum quidem in Dei commiserationem, qui pro sancta ecclesia sui unigeniti filii vigilat, dein vero præcipue in vestram sublimem justitiam, quod juxta devotionem, religionem & humanitatem vestram huic malo, quod quotidie amplius circum seprehendit, remedium adhuc prius præparabitis, quam nos hujus incurabilitatem deplorare debeamus. (36) Dixi.

F 5

(35) Fors ista scarteka est causa, quod non amplius rustici & rusticæ tam sæpe nobis osculentur manus & sacram tunicam, & si hoc esset, tunc certe mortale peccatum habet auctor, quia sunt indulgentiæ in osculatione manus & tunicæ & funis.

(36) Rogo ut V. D. quæ docta est & versata in lectione, mihi communicet suum judicium de hoc sermone,
qui

qui mihi videtur valde laboriosus, quia quatuor vel quinque libros citat, & dein etiam præstans, quia nonnunquam in eor loquitur & optimam causam, id est monachos defendit, qui est vere herculeus, vel ut tanquam ecclesiasticus cum sacra scriptura finiam, simsonicus labor, pro quo in altero mundo adhuc recompensationem accipiet. Finis.

JOANNIS PHYSIOPHILI
DEFENSIO
SPECIMINIS
MONACHOLOGIÆ

CORAM

CENSORIBUS REGIIS VINDOBONENSIBUS.

Si princeps ille ingenii & doctrinæ Plato
tum denique beatas fore respublicas puta-
vit, cum ii, qui eas regerent, omne studium
suum in doctrina ac sapientia collocassent,
non possum non gratulari primum quidem
reipublicæ vindobonensi, quod ei contigerit,
ut ii summam in ea habeant potestatem, qui-
bus plurimum in percipienda virtute ac huma-
nitate studium fuit, & dein mihi, cui concess-
um est hodie in amplissimo hoc confesso, in
quo feliciter conjuncta sapientia & potestas
sedem posuit, dicere, causamque meam con-
tra

tra verbosissimum monachismi advecatum defendere. Quid enim egi aliud, cum acerbius de monachis & muliebri eorum religione dixi, quam id, quod immortalis pater tuus egit, illustrissime Suitenie! qui præstigia, excantationes, vampyros, larvas, sagas, & ariolatores e republica profligavit, & quod tu, qui summi patris vestigia premis, quod unusquisque senatorum amplissimi tribunalis, cui præses, perficere studet: ut extincta in animis imbecillis plebis anili superstitione firmior stet & sanctior religio.

Initia & causas superstitionum aggressus sum, cum sordes, ineptias, fraudesque monachorum curiosius excuterem, gnarus, sublata causa tolli tandem posse effectus. Novi quidem periculosam esse offensionem hanc propter interpositam auctoritatem religionemque; novi obscurum illud odium, quod fanatici homines, contra innovationes omnes conceptum, hucusque continuerunt, in me unum deflecti posse, qui monachos, — quos ministros religionis appellari malunt — explosi. Nec præter expectationem accidit, quod ascenderit in rostrum adversarius, qui, etsi officii sui sanctitas singularem veritatem, & gravitatem exposceret, — timide dico, sed dicendum est tamen — fraudem dolumque adhibuit, ut persuaderet: sacra & religionem negligi, violari, pollui, si tolleretur e republica superstitio, aut, quod magis est, si liceret inferre

manum facerrimis monachorum gregibus, fautoribus superstitionum.

Sed fretus æquitate vestra Viri gravissimi! perspexi alienum a vobis esse, inauditum cendernare; nec fefellit me opinio; vocatus in judicium adsum, & causæ meæ defensionem eo lubentius in me suscipio, quo minus pertimescendæ mihi sunt fractæ jam & inanes minæ, gregorianique illius temporis terrores, quibus me petit, quo hebetata magis sunt tela, quæ in me conjecit adversarius. Id enim agam, ut pateat: omnia, quæ actor attulit, argumenta, falsa, ridicula, & inopportuna esse; quæ vero contra monachos iniquius dixisse accusatur Physiophilus, consentire opinioni Patrum Ecclesiæ, sententiis conciliorum, & oraculo gravissimorum scriptorum. Quod ubi præstitero, vestrum Censores regii! quorum auctoritati, prudentiæ, & judicio princeps optimus ea, quæ de sacris & religione tam privata quam publica scribuntur, subjecit, gratum adnutum, qui summa sit laboris mei merces, exspecto, relictis adversario acclamationibus plebeculæ, & oculis animalium.

Observastis Judices! quam callide actor in proemio dictionis suæ non monachorum tantum sed totius sacerdotii defensionem in se suscepit, ac si hoc quoque impetisset Physiophilus. Audivistis, quam astute Ana-
cho-

choretas priscæ ecclesiæ, cum degeneri monachorum nostrorum grege confundere studuerit, ut, quæ de illis bene apud Patres Ecclesiæ dicta sunt, de his quoque dicta esse videntur. Egit hoc, ut attentionem, animos, & quandam quasi commiserationem audientium sibi conciliaret, indignationem vero contra irreligiosum adversarium meliori quodam titulo excitaret. At, Deum immortalem testor, vestrasque mentes Judices, & conscientiam maxime meam! neminem magis persuasum esse, quam ego sim, quod si numini æterno summus cultus & honos debeatur, ejusdem reverentiæ partem quandam in eos quoque transferendam esse, qui ad sacra facienda Deo dicati sunt! Debent enim ibi esse præmia honoris, ubi sunt merita virtutis; nihilominus tamen mihi videri, piaculum esse: desidiosissimam monachorum turbam religioso sacerdotum collegio ad censere, eodemque honore vanæ superstitionis sacrificulum prosequi, qui sacrosanctæ tantum religionis ministro debetur.

Longe quoque absum, ut raros illos primitivæ ecclesiæ viros vituperem, qui, postquam reipublicæ commodis, ut bonum civem oportet, servierunt, secesserunt a tumultu, ceterisque rebus omnibus pro nihilo habitis, semetipsum & imminens æternitatem solertius meditati sunt, aut honestum otium sponte nulloque adstricti sacramento amplectentes, non modo ipsi hebescere, & languere noluerunt,

runt, sed etiam, ut pluribus prodesse possent, laudabile otium in scribendis & docendis præceptis honestatis & religionis consumentes, vitæ suæ cursum in labore corporis & animi contentione confecerunt. Si vero id reprehendi nequit, quod venerandis his solitariis semper laudi datum est & semper erit maximæ gloriæ, quis non indignabitur servo & imitatori pecori, quod, quum per ætatem omnem otio diffuat, graves illos ecclesiæ patres, agnatos suos & nobilem quasi prosapiam appellare solet, quamvis nil agat aliud, quam quod psalmos suos, numeratos illos quidem ac non intellectos, stentoria voce in templis derudat, & cum sacras inertæ manus labore profanare irreligiosum putet, panem pro foribus magno magitu efflagitet, non sine mediocri verecundæ paupertatis & mendicitatis jactura.

Aspicite Judices! Aspicite innumeras has centonatas, tunicatas, cucullatas, & mille modis personatas monachorum varietates, & attendite quam fulse eas sibi let Erasmus, idem ille Erasmus, quem pro monachismi præstantia testem attulit actor. Aspicite hos greges, qui sordibus, inscitia, rusticitate apostolos, ut ajunt, nobis referunt, quorum mirum studium est: non ut Christo similes sint, sed inter se dissimiles; qui pietatis, & religionis apicem se attigisse credunt, si sciverint: quo colore singulam vestem, & quot discriminibus, secundum mentem fundatoris, variegandam; qua materia quotque culmis latum cin-

gu-

gulum, qua specie, & quot modiore cap-
 cem cucullam, quot digitis latum capillitium
 esse oporteat, ut grex a grege, monachus a
 monacho distinguatur; qui invicem alii alios
 ob aliter cinctam vestem, ob colorem paulo
 fusciorum contemnunt; aspiciunt hos, qui con-
 tactum pecuniæ ceu aconitum horrent, nec a
 vino interim nec a mulierum contactu tem-
 perant; illos, qui funigeri & inter hos alii
 coletæ, alii minores, alii minimi appellari
 gaudent, hos qui se Benedicti, Bernardi, An-
 tonii, Augustini, Dominici, Eliæ filios esse
 gloriantur, quasi parum esset dici christianos.
 Illos ostendentes sesquipedes ventres, omni
 piscium genere distentos; hos psalmorum cen-
 tum effundentes modios; illos spongiæ vitam
 agentes, semper eidem affixos loco. Omnes
 tandem suis solum innixos cæremoniis, & ho-
 minum traditiunculis, immemores: Christum,
 contemptis his omnibus, quondam suum illud
 charitatis præceptum exacturum esse, & am-
 bulantem inter homines unigenitum Patris fi-
 lium non cucullis, preculis, aut inediis, sed
 fidei & charitatis officiis regnum suum polli-
 citum fuisse.

Hos personatos circulatorum, hos co-
 mædos, & mimos, austero habitu plebem fa-
 scinantes, fulcra religionis esse, & ornamen-
 ta ecclesiæ prædicat actor; hos ad firmandam
 fidem secum in vinea domini collaborantes
 Dei servos ludibrio fieri queritur, quamvis
 nescire non potest: monachos legibus eccle-
 siæ

fiæ ab officii sacerdotii excludi. (a) Hos qui summam existimant esse pietatem, si usque adeo nihil attigerint scientiarum, ut ignorare cuncta divina & humana primo intuitu videantur, custodes, conservatores, & promotores scientiarum fuisse jactitat, cum laici ipse turbulenta illa mediæ ævi epocha illos, qui de summis priscae ætatis viris ad eos usque pervenerunt, sapientiæ thesauros in cœnobia, veluti nullo modo violanda asyla, deposuerint. O vigilantissimos & incorruptissimos custodes! qui omnia hæc, quæ a laicis obtinuerunt, scientiarum instrumenta intacta quoque reliquerunt, & quibus alii uti prohibebantur, ipsi manus inferre sacrilegum putaverunt ita, ut ævum illud adhucdum barbarum & obscurum audiat, quo scientiæ & artes custodiæ monachorum creditæ fuerant. Non diffiteor quidem ad excollendam patriam tellus plurimum contulisse monachos. Novimus excisas eorum potissimum cura incultas Germaniæ sylvas, stercoreatos fructuosioresque redditos agros, cum in vicinia cœnobiorum, adscripti glebæ monasticæ servi, sexcentum aratris terram verterent, ut saginarentur mona-

(a) Singuli quoque monachi per villas & oppida non debent discurrere, nec per quascunque parochiales ecclesias disponi; quod in regularibus, cum regulæ inserviant laxiori, specialiter cautum non invenitur. *Instit. Jur. canon. lib. 1. tit. 30.*

nachi. Verum enim vero num majus quid præstiterunt, quam hodieum suum greges in desertis Africæ & Americæ? qui purgatam a serpentibus & reptilibus terram rostro suffodiunt & præparant, quo facilius sub aratris eo deducendæ colonix mansuescat. Jam functi sunt officio suo monachi. Optime igitur nobis prospiciunt principes, cum detractos in illa temporum injuria fundos ab iis repetunt, qui collocatas in agros fœnoris partes ingenti cum usura dudum receperunt; injustissimum enim foret labore partos terræ fructus innumeræ in diesque ad crescenti monachorum turbæ, qua otiosiore non habet respublica, in detrimentum civium suppeditare;

Exstirpetur jam fœda hæc mendicitas, quæ dum nutrirî cupit, laborem omnem respuit. Immolentur jam hæ sumtuosæ hostiæ æterno numini ad expiandam insaniam & superstitiones, firmandumque fœdus cum sanctiore religione.

Videtur actor inopportunitatem & falsitatem argumentorum animadvertisse, quæ pro clientibus, quorum patrociniû nemo in se suscepisset, attulit. Sed ne intentatum quid aut causam omnem dereliqueret, tandem actionis suæ vela quodam quasi commiserationis vento inplevit; ad lamenta lachrymasque confugit; religionem pietatemque vestram adjuravit, & fors vir, movendarum lachrymarum

rum peritissimus, hoc impetu quendam auditorum in partes suas adduxisset, nisi, ut eos, quos propriis laudibus ornare non potuit, alienis oneraret, intempestive admodum testes suos proferendo tristes illos solvisset affectus, animumque ab intentione orationis avertisset. Cyprianum advocavit, cujus ætate nullius sexus monachum per omnem occidentem fuisse nemo ignorat. Fleuryum, & Erasmum Roterodamum, flagella monachismi, Gregorium Nazianzenum, agapetarum seu monachorum intemperiem & lasciviam acerbissimis epigramatis reprehendentem, testes causæque suæ defensores constituit, nec erubuit testari: ipsos, qui, ante Christum natum, per omnem orbem exstiterunt scriptores non tam sacrilege in monachos desæviisse ac Phylsophilum, quamvis veræ religionis lux iis nunquam affulserit. Si hoc ridiculum convocato in concionem populo videbatur, ego quidem sine maximo dolore observare non potui: quod si esset in iis, in quibus deberet, summa sapientia, non laboraremus. Nec enim is sum, qui tantum impudentiæ tribuam adversario, ut eum, cum ridicula hæc & absurda enarraret, auctoritati & gravitati vestræ illudere ausum fuisse, affirmarem.

At abuterer patientia vestra iudices, si diutius impugnarem ea, quæ pro monachismi præstantia dixit accusator; pro Phylsophilo jam dicendum est, qui impietatis accbsatur, quod ex hominum cœtu monachos proscripse-

rit, nec non eos avaritiæ, gulæ, inſcitæ, dementiæ immerito arguerit. Graves ſunt, ut vidiftis iudices! ictus, quos intentat mihi adverſarius; pace vero veſtra me ſcuto veritatis, quo tegor, eos facile declinaturum aut excepturum ſpero.

Cum ad animantia relegaſſem monachos non tam naturam ducem, quæ tantum diſcrimen hominem inter & monachum poſuit, quam D. Chryſoſtomum ſecutus ſum; comparavit is homines monaſticam diſciplinam ſectantes avibus, vocavit monachos paſſeres, ſanctimoniales vero turtures. (b)

Attentius hoc ſapientiſſimi viri eſſatum examinando, inveni quidem: ejiciendum eſſe — ut dudum oportere ſuſpicabar — ex hominum cœtu monachum, avibus tamen adcenſeri non, niſi invita natura, poſſe; etiam
fi

(b) *Chryſoſtomi opera, Edit. Montſaucon. Pariſiis, 1718: græce & latine. T. V. pag. 748. in Pſalm. 583. Quod autem verius eſt, paſſerem vocat hominem, qui monaſticam philoſophiam ſectatur. Multa enim in eum, quæ ad paſſerem pertinent, conveniunt. Non habet domum in terra, non ſollicitus eſt de craſſino, vili cibo utitur; turturem vero dicit virginem caſtam, ob caſtatem, & ſolitudinis amorem, ob querulam vocem.*

si falacitas passeris monacho, & queruli concupiscentis turturis gemitus monachæ optime conveniant; e rapina monachos vivere, usque adeo notum est, ut rapacitas monastica in proverbium abierit. Si ergo avibus adnumerari possent, eos ad rapacium ordinem pertinere ornithologorum nemo negabit; suadente id etiam D. Ambrosio, dum monachos, qui aliena quærunt, recte accipitres nominandos esse pronuntiat. (c) Accipitres autem, vultures & quæ sunt hujus generis volucres sitim diutissime ferre, omnisque expertes esse modulationis vocis experientia docuit. Num verò siticulosius quid monacho? an non cantat aut cantillare conatur e cucullatorum grege unusquisque? Discrepant igitur ab his, qui accipitrum genus constituunt, characteribus monachi, nec ullum certo oscinum alitumve genus reperiri potest, quo annuente natura collocarentur; quamvis opportunum esset maxime generi humano, si bipedes hos implumes confundere plumigeris liceret, cum mortales cuncta bonis semper & præpetibus avibus auspicarentur, quia nunquam escam recusaret monachus, & semper pascere-tur, (d) nec eum mergi necesse esset, ut

G 3

bi-

(c) *Ambrosius Orat. de obitu fratris.*

(d) Nam si pascerentur (pulli) bonum augurium erat, si non pascerentur, malum. *Aul. Gell.*

biberet, (e) Hæ rationes me moverunt, ut aliud animantium genus exquirerem, quo reponeretur monachus. Respondeat jam accusator: an iniquius egerit Physiophilus, qui monachum, anthropomorphum animal, cum homine fere conjunxit, quam summæ sanctitatis, & integritatis vir Chrysostomus, qui eundem in imbecillissimam bipedum classem, quæ tanto intervallo ab homine disjungitur, rejecit. An sanctius quid dixisset? si monachum Servitum inauspicatum corvum, Carmelitam salacem passerem, Franciscanum stolidum struthiocamelum, Dominicanum vulturem offifragum, Capucinum foetentem upupam, Latrappium tristem noctuam, Trinitarium temporarium cuculum, Paulanum lutosum mergum, monachas autem garrulos psittacos, & divinatrices corniculas vocasset,

Non minori moderatione usus sum, dum monachorum vitia recensui, eaque inhærere ac penitus insita esse cuivis monachorum speciei, aut omnibus asserui. Num enim moderatius patres & concilia ecclesiæ, quæ digna pudore sunt vitia, objecerunt monachorum gregibus? cum iis exprobrassent: a tempore quo

(e) Claudius Pulcher apud Siciliam non pascentibus in auspicando pullis ac per contemptum religionis mari demersis, quasi ut biberent, si esse nollent, prælium navale iniit. *Suet. Tib. 2.*

quo avaritia in monasteria immigravit, luxuriam quoque & cupidinem rapiendi, confumendi, aliena devorandi, ea invasisse, fidem, probitatem & bonas artes exulasse, pro his superbiam, crudelitatem, ignorantiam irripisse, divina neglecta & venalia habita fuisse, indeque scelera omnia erupisse. (f) Monachos paupertatem mentiri, & inter divitias male partas sepeliri. (g) Eos flagitiose venereas voluptates concupiscere, iisque turpiter frui, & exerceri in ipsis monasteriis lupanaria; (h) labefieri & minui eorum mentes turpif-

G 4

pif-

-
- (f) *Nili Abbatis tractatus seu opuscula, e codicibus manuscriptorum vaticanis, cassinensibus &c. eruta; græce & latine; edidit Josephus Maria Suarezus. Romæ 1763. fol. Tractat. de monastica exercitatione cap. 7. 11. 12. & reliqu.*

Imputatur fratribus, quod avaritiæ causa hominibus persuadcant, ut abrenunciantes seculo res suas ecclesiæ conferant. *Concil. Cabillon. II. Cap. 6.*

- (g) Monachi sub religionis titulo injusta compendia exercent - - Plenis sacculis moriuntur divites, qui quasi pauperes vixerunt. *D. Hieronymi opera, cura Dominici Vallarsi. Veronæ. 1734. T. I. p. 937.*

- (h) Monasteria olim virtutum scholæ ac pauperum hospitalia erant, nunc prohi dolor! videmus ea, quæ virorum sunt, in diversoria militum ac raptorum, quæ vero mulierum sunt, in plerisque locis in susp-

piissima ebrietate (i), eosque intempestivæ &
for-

spectas de *innocentia* domos (ne quid gravius dicamus) esse commutata. *Concil. Colonienſe, Anno 1536. Art. 19. c. 8.*

Abſt, ut monachos (quod etiam dictu nefas eſt) Chriſti virginibus familiares eſſe velimus. *Concil. Hiſpanenſe 2. c. 11.*

Illud namque neceſſarium viſum eſt de monaſteriis puellarum, quæ in quibusdam locis *lupanaria* potius videntur eſſe quam monaſteria. *Concil. Aquingranenſe. Cap. 12.*

Maſculum omnem declina, ſyniſactum vero potiſſime. *S. Gregor. Nazianz. epigr. 211. in Anecdotis græcis; edit. Muratorii, Patavii, 1709. 4.*

Jam mihi eſt canities, corpus lanio, oculum domito,
Curis diurnis, nocturnisque abſumo,
Animam ter miſeram ut ab igne eripiam;
Sed nihilominus corpori ægre impero.

Quomodo vero tu (Monache!) & juventutem ſerens,
& carnes erigens ampliores elephanto. *S. Gregor. Nazianz. epigr. 201. l. c.*

fordidæ gulæ deditos esse, (k) qui prælibandæ tantum æternitati sese voverunt; induere

G 5

ni-

Lib. 3. similitud. 9. cap. 11. S. Herma narrat; Virgines quædam ita me allocutæ sunt: nobiscum dormies ut frater, non ut maritus - - Ea vero, quæ ex illis prima esse videbatur, amplexata me est. & osculari me cœpit, cæteræ vero, quum vidissent, me amplexari ab illa, & ipsæ cœperunt me ut fratrem osculari - - Mansi ergo illa nocte cum eis juxta eandem turrin; straverunt autem tunicas suas linteas in terram & me in medio collocaverunt, nec quidquam aliud faciebant, nisi quod orabant. Id quod pie creditur. Anecdota græca edita a Lud. Ant. Muratorio, Patavii. 1709. 4. pag. 235.

- (i) Quid inhonestius quam vino assidue madidos ejusmodi helluones animarum curæ præesse, de quibus Propheta dicit: Væh sacerdoti & prophetæ præ ebrietate erranti, & nunquam judicium aspicienti! *Concil. Trevir. 1548.*

Qui ebrius est, non facile credat esse hominem, qui ne aquam quidem degustet, etiamsi hoc nostro tempore multi monachorum fecerint. *Cbrysoſt. opera. T. 7. pag. 273. edit. Montf. Paris. 1718. græce & latine.*

- (k) Dum corpori dapem subministrare volunt, non inferunt necessariam, sed quam guloſorum hominum luxus ex immensa cupiditate novo artificio comparavit. *Nilus Abbas, l. c. in exercit. monastica. Cap. 9.*

nihilominus monachos simulationem virtutis, & quamvis corda illita sint felle & acerbò aceto; verba proferre mellea, & orationes lacteas, ad pietatem, castitatem, summamque morum severitatem compositas (1); converti intra claustra monasterii charitatem christianam in graves inimicitias, jurgia, maledicta contumelias & rixas, nec religionis sanctitate
nec

- (1) Ita ut pietas a plerisque jam pro quæstu habeatur, neque aliam ullam ob causam illi quondam beatæ & tranquillæ vitæ nos addicimus, nisi ut fictæ pietatis specie laboriosa ministeria effugiamus. *Nilus Abbas exercit. monast. Cap. 7.*

Ignarus etiam (Monachus) quis scopus sit divinæ philosophiæ jam supercilium pharisaicum adducit, & ob vestem solam extollit animum, quasi exulta probe virtute! - - Scopulus pro portu, pro templo sepulchrum dealbatum, & pro ove lupus deprehensus ad exitium eorum, qui sunt decepti, ex eo quod apparet, *Ibid. Cap. 8.*

Multi etiam (Monachi) in ædes admissi simulata tantisper verecundia & malam, quæ eos urget, famam persona hypocrisis obtegentes postmodum iisdem expilatis abeunt, adeo ut totum monastice vivendi institutum jam publicè infametur, *Ibid. C. 9.*

nec instituti norma continendas; (m) rerum omnium desperationem nonnullorum animos occupare, (n) applaudere demum omnes stultæ suæ inscitæ nec addiscere quidquam præter ignorantiam. (o)

Hæc

(m) Ut domus semota habeatur hujusmodi, his qui fugere aut pugnis baculisve inter se voluerint confingere. *Convent. Aquisgranensi. Cap. 40.*

In monachis quoque præsentis sententiæ forma servetur; quos si verborum increpatio non emendaverit, etiam verberibus statuimus coerceri. *Conc. Agathense Can. 28.*

(n) Sunt qui humore cellarum, immoderatisque jejuniis, tædio solitudinis ac nimia lectione, dum diebus ac noctibus auribus suis perfonant, vertuntur in melancholicam & Hippocratis magis fomentis quam nostris monitis indigent. *Chrysostomus l. 6. epistola 125. ad Rusticum.*

Hæc quæ de Patrum acerbiorē reprehensione corruptionis monasticæ protuli testimonia, non sunt quæsitæ ex occulto quodam aut ficto monumentorum genere, sed sumpta de medio, ex rebus palam per antistites ecclesiæ gestis, ad concilia delatis, & cum omni orbe christiano communicatis. Quanto moderatius jam hæc vitia movit Physiophilus! Videbat non reformatos fuisse continua moderatorum ecclesiæ correctione, mores monachorum & in.

Nam si ad monasticum inde ordinem te contuleris, citra primam illam observantiæ conventusque dissonantiam ac nonnullas etiam inter observantes ipsos obedientiæ contentiones & scissuras, ne qua præcipua *ignorantia*, ambitionis, avaritiæ, ac sollicitudinis temporalis labes intimis eorum præcordiis medullitus inhæserit, etiam atque etiam animadvertendum iudicabis, *Concil. Lateranense, sive Oecum.* 17.

- (o) Qui vero pauperes sunt & tenui substantia (monachi) videntur sibi sciolii; pompæ ferulis similes procedunt in publicum, ut caninam exerceant facundiam; Alii sublati in altum humeris, & intra, nescio quid, cornicantes, stupentibusque in terram oculis tumentia verba trutinantur, ut si præconem addideris, putes incedere præfecturam. *Chrysost. Epist.* 125. *ad Rusticum.*

inveteratis per moras longiores vitiis vix
 superesse medicinam. Videbat quoque, quam
 esset hucusque vulgus stultissimis opinionibus
 de tunicæ monasticæ per compita ambulantis,
 mendicantis aut in otio putrescentis sanctitate
 præoccupatum, & remedii votum esse verius
 quam spem; noverat tamen esse festivum
 quoddam & jocosum admonendi genus, quod
 facilius penetret in mortalium animos, quam
 gravis, austera, & omni dictionis illecebra
 nudata veritas. Studuit ergo hac arte delica-
 tis animis obrepere & cum voluptate mederi.
 Melle prælinivit absinthii poculum, ut gravior
 esset palato medicina. Prodesse voluit, non
 lædere, consulere moribus monachorum, non
 officere. Nihilo minus vitiligator, qui actio-
 nem hanc mihi intentavit, leviores esse mo-
 nachologiæ nostræ nugas quam virum gravem
 deceat, & mordaciores quam ut christianæ
 conveniant modestiæ, caluminatur, caputque
 Physiophili anathemate ferit, quod cucullos
 polymorphos, funes multinodosos, centones-
 que cœnosophos leviori joco adsperserit, & sere-
 na fronte sibilare maluerit, quam contracto
 supercilio perstringere vitia monachorum.

Supereſt forte: ut Patres & concilia ec-
 cleſiæ ſeveritate hac animadverſionis ſuæ non-
 nul-

nullos tantum disciplinæ monasticæ affectas castigasse opponat actor, cum in hac quoque centonatorum hominum turba plures & morum probitate, & doctrinæ præstantia celebratissimos viros existisse nemini non perspectum sit. Nostis vero Judices! *exceptione* potissimum *firmari regulam*, & ridiculum fore: si simias omnes funambulas esse, modestas, circuratas, innocuas quis diceret, cum docilior quædam per catadramum in foro decurrat, & ad nutum magistri spectaculi causa saltitet. Evanescet certo exiguus monachorum virtute & scientia clarorum numerus, si Agapetos, Synisactos, Cœnobitas, Sarabaitas, Anachoretas, Eremitas, & mille monachorum formas, quæ velut salaces, & nocivæ plantæ in generoso ecclesiæ agro, non sine levi lætioris segetis detrimento hucusque propullularunt, in animum revocabitis, & cum paucula illa virtute & doctrina nonnullorum comparabitis ignorantiam, otium, superstitiones, vitia sexcentum millium monachorum, qui hodiedum molestant Germaniam, inundant Italiam, stipant curiam romanam, tolerantur in Gallia, saginantur ambabus manibus in Hispania, adorantur in Lusitania, & patientiam religionemque incolarum utriusque orbis exercent.

Di-

Dixi a principio defensionis meæ, actorem falsa, inopportuna, & ridicula in Phyiophili accusationem attulisse argumenta; hunc vero in monachologiæ specimine non sacerdotes, sed vanæ religionis sacrificulos communi SS. PP. assensu, idque summa & laudabili cum moderatione infectatum esse. Videor mihi, ni mea me fallit conscientia, utramque orationis partem explevisse; nec jam accusabo adversarium non me magis actione hac sua offendisse, quam vos, quorum annutu publici juris factæ sunt Phyiophili facetiæ; Vestrum est iudices reprimere hanc audaciam, ne diuturna impunitate munita aliquando erumpat in perniciem rei publicæ. Vestrum est admonere hominem religiosum: esse modum quendam religionis; placari numen æternum rite perpetrato sacrificio, non muliebri religione; augustum esse munus sacerdotis puri, modesti, gravis, ad aras litantis, sed contemnendas esse excantationes & fraudes personati sacricolæ, piis præstigiis & evocationibus plebem fascinantis; sancta esse & veneranda numina, divos, templa, aras; at non violari ecclesiam. si tollantur

tur nugæ & crepundiæ e medio sacrarii; at impune explodi cucullos, funes, tunicas, larvas, mimos, in atriis templorum circumvagantes. Vestrum est jam ferre sententiam, & si vobis videtur, absolvere Physiophilum, contra vehementem nimiumque superstitiosum accusatorem disputantem, ut & sua sint virtuti & religioni præmia, quæ pridem tulit hypocrisis & superstitio.

COSMÆ NECROTOMI
ANATOMIÆ IN NOSOCOMIO ROMANO AD
S. SPIRITUM PROFESSORIS
ORDINARIJ

A N A T O M I A
M O N A C H I

AD VIRUM

CL. JOANNEM PHYSIOPHILUM.

Rem acu tetigisti Physiophile! Monachus
non est homo. Quod tu e characteribus
externis empirice tantum suspicatus es, ego
scrutando interiorem machinæ anthropomorphæ
structuram, pragmatice jam expertus sum. At
si quid gloriæ in me redundat, ope anatomiz

H

sen-

sententiam tuam primum confirmatam fuisse, semper honos, nomenque tuum laudesque manebunt, cui inventionis utilissimæ gloria disputari nequit; utilissimæ inquam, quia summorum anatomicorum effata, sæpe toto cælo distantia, solæ hac distinctione componuntur: hunc monachos, illum homines dissecuisse, & cum uterque se unum idemque subiectum, hominem scilicet, tractavisse putaverit, accidisse: ut resultantes ex erroneo supposito observationes quam plurimum differant.

Sed rem agamus amice! nec enim tu laudibus meis indiges, nec eas a me expectas, quem a tot annis arctissimo amicitiae vinculo tibi conjunctum esse non ignoras.

Vix famigeratissimum Monachologiae tuae specimen ad me delatum fuit, cum dubius: an per jocum tantum, ut soles, an serio ex hominum genere monachos expunxeris, hypothesin tuam accuratius indagare proposui. Adferri curavi in theatrum anatomicum no-

fo-

locumii nostri plura monachorum cadavera, & juxta leges artis examinavi omnia. Vicit eventus expectationem; inveni enim, comparando horum viscera cum humanis, monachi fabricam interiorem, & organa ad *digestionem* solum, & *procreationem* destinata esse, nec habere quid commune cum homine præter formam externam, quæ forte causa est, quod actiones humanis simillimas, quamvis involuntarias sæpissime aut instinctu animali solum excitatas, proferat monachus; id quod ejus anatomia, quam judicio tuo subjicio, uberius demonstrabit.

Aperto ventre & femora sentina excrementorum, quæ non sine gravi meo & discipulorum incommodo tantum putredinis exhalabat, ut vel ex unius monachi ventre, si aerem inflammabilem a mephitico nonnihil separares, facile machinam aerostaticam impleres, cui hodie inequitant Galli, & per aëra feruntur, partes *vestientes*, seu *integentes* exploravi. Nec differebat cuticula, cutisve ab humana; cuti vero pinguedinem nullam, sed, ut in brutis pluribus & præcipue in simiis solet, pro-

xime membranam carnosam substratam vidi, Ablatis demum musculis abdominis, & remoto peritonæo nonnihil crassiore, in conspectum venit omentum adiposum, vel si mavis, adiposissimum, intestinis instratum & ad os pubis usque procurrens, ut velut pulvinar ventrem tegat, &, ob adipis copiam, coctionem magis promoveat, cum, ut supra monui, principale corporis monastici officium sit, coctio alimentorum, quæ quo magis augeatur, aut nunquam e defectu caloris interrumpatur, monachi, præsertim nudipedes & gymnoprocti ventriculum quoque artificiali quodam omento seu indusio laneo, &, quod plus est, scapulari per ventrem decurrente, vel tunica buplicata supervestiunt, ad exemplum gladiatoris illius, cui Galenus omentum abstulit, &, ne frigore intestina lædantur, ventrem lanis obvolvunt.

Prospexit quoque natura monachis, qui ex instituto nonnunquam jejunant, pinguiore omento; adeps enim in inedia vertitur in alimentum & inescat partes, donec proprium nutrimentum accedat.

Post

Post omentum partem nobilissimam monachi, stomachum, seu ventriculum penitus inspicere studui. Sed vix fidem habebis observationi, vix ipsemet mihi crederem, si non his oculis vidissem, si non his manibus palpassem, si non repetitis observationibus idem semper expertus essem. Ventriculos quatuor detexi, ejusdem omnino structuræ, ut in brutis ruminantibus esse solent; *ventriculum* nempe, *reticulum*, *omasum*, & *abomasum*. Phænomeno hoc tam singulari perculsus mille hypotheses formavi, quarum unamquamque, vix adoptatam, iterum rejeci, & quod æquissimum putavi, tandem nihil statuere, sed examinare singula, & educere corollaria volui.

Ventriculis quatuor animalia ruminantia gaudere pridem Aristoteles & post eum zoologorum unusquisque adnotavit. Num vero & monachi ruminant? Mihi quidem id luce meridiana clarius videtur. Quid enim horarum canonicarum recitatio, vel, ut tu vocas, clamor monachorum certis dierum horis erumpens aliud est, quam ruminatio? quæ post prandium & cœnam potissimum peragitur, ut

repetita in ore cibi masticatio perfectiorem concoctionem promoveat. Fors idco monachi, rudiora pabulo sese nutriendos, clamant, ejulantque fortius, quam delicatiore alimento utentes, qui psalmos suos tantum murmurant.

Interea hallucinabantur certo Physiographi, qui in brutis, utraque maxilla dentata instructis, unicum tantum ventriculum statuerunt; id quod jam *Riolanus* tacite refutavit, qui in homine — verosimilius in monacho quem pro homine habuit — bis duplicem ventriculum observavit. Si vero monachus ad animalia ruminantia spectat, quaeritur, an in arca Noachi monachus quoque contra commune excidium, orbi sublunari per diluvium intentatum, conservatus fuerit? An unica, an plures primigeniae monachi species, a quibus aliae derivantur, hanc zoothecam universalem intraverint? quod ex sacris paginis conicere licet, ubi Noe praecepit Dominus: ex animalibus mundis, quibus ruminantia ad censentur, septena & septena, masculum & foeminam in arcem recipere. (a) Ne vero in

ten-

(a) Genes., c. 7.

tentamen philologico-criticum abeat discussio
hæc anatomica, jam ad quadruplicem monachi
stomachum revertamur.

Nosti *Helmontium*, famosissimum illum &
celebratissimum medicum, qui sese miracula
corporis humani a divo quodam magistro edo-
ctum & interiora naturæ profundius scrutatum
fuisse, non sine fide jactitavit, *Helmontium*
inquam sedem animæ in stomacho, tanquam
centrali puncto posuisse. Si sententia hæc
de homine absolute quidem probari nequit,
de monacho tamen extra dubium posita est.
Stomachus monachi enim præest, & domina-
tur omnibus ejus facultatibus; hunc quasi uni-
cum actionum suarum motorem farcire sata-
git; hunc curat, huic studet, hoc repleto
gaudet, cantat, prurit; hic est sedes appeti-
tus; hic nobilissimum monachi officium — di-
gestio — absolvitur; hæc est principalis ejus
pars; quod e continuatione tentaminis mei
anatomici patebit.

Nec obstat, quod ogganiunt *Bartholinus* & reliqua anatomicorum turba; sententiam hanc indignam esse, quæ animæ locum adsignat cibis impuris continuo scatentem; ridiculam, quia voraciores monachi plus animæ habere viderentur, quam minus appetentes; absurdam, cum e fonte tam impuro facultates nobiles dimanare nequeant. At de monacho sermo est, non de homine.

Si enim nobilior anima humana domicilium in cerebro fixit, ut in hoc promtuariò idearum proximior sit ad edendas per corpus humanum functiones suas, quo aptius animæ monasticæ sedem collocabimus? quam eo, ubi semper in nutrimento suo nata, aut volutatur, unde vires ad actiones suas producendas continuo haurit. Nec ingratiior esse potest animæ monachi ciborum varii generis in ventriculo confluentium aspectus & odor, quam animæ hominis diversissimarum idearum in cerebri medulla enatarum aut excitatarum farrago. Docet demum experientia: monachos eo magis animatos esse & vigere, quo sunt voraciores, & ab anima, si animam appellare licet, monastica, præter digestionem, procreationem,

&

& evacuationem, facultates alias nobiliores nequaquam exerceri,

Opponet forte quispiam actiones quasdam, humanis affines, produci a monachis; sed eas omnes ortum a ventriculo ducere facile explicabimus. Videmus, ut rem exemplo dilucidem, monachos per compita & vicos vagari, & imitari circumforaneos apostolos, quos, quia annuntiando quatuor novissima populum ad pœnitentiam & sanctiorem vitæ rationem excitant, missionarios vulgus vocat. Qui sese ad imitationem hujus actionis accingit simius monachus, per dies aliquot lauto convivio stomachum implet. Immersa cibi anima in *ventriculo*, qui custodiendo cibo crassiori servit, moratur; decomponentes sese circacircum cibi in anima monachi mortis & corruptionis imaginem excitant, quam lamentabili ejulatu auditoribus annuntiat. Detruduntur dein decomposita & macerata alimenta in *reticulum*, ut a fluidis separentur solida. Inhærens his & emota hoc spectaculo anima monachi separationem justorum ab injustis seu judicium universale per os eructat;

evacuatis per ductus naturales sordibus quærit monachi anima in *abomasso* nutrimentum, quod post ruminationem masticatum eo rediit, ut saliva mixtum denuo comminatur, misceatur, recoquatur, & in chylum, non sine magna fermentatione, mutetur. Hæc fermentatio ignis gehennæ levem quidem sed aliquam tamen ideam parit, quam non sine contorsionibus, & lamentis, ab inani præcipue stomacho excitatis, cum auditoribus communicat monachus. Loculis his tribus ventriculi exhaustis, & extenuatis per jejunium, cucullatis his circulatoribus tempore pseudomissionis præceptum, horror vacui animam monachi in *omassum*, velut extremum asylum, cogit, qui tenuius pabulum & præsertim liquida recipit. Innatans ibi vino & cerevisiæ abluitur ab in hærentibus sordibus, sese agitat facilius, in sereno & spirituofo æthere victitat, & per vocis organa incomprehensibilia paradisi gaudia declamat; en actionem humanæ simillimam, quæ plebem maxime fascinat, & fors oculatissimos observatores in errorem induxit, ut monachum cum homine confunderent, e ventriculi structura declaratam & in actionem pure animaleam resolutam! En utilitatem ana-

tomiz, ad excolendum psychologiz studium,
restitutam!

Quod ad stomachi ipsius fabricam, plicas,
orificia & fibras attinet, nihil a communi bru-
torum structura aberrans vidi, præter cru-
stam, calcaream ni fallor, qua, veluti tarta-
ro, parietes & rugosæ ventriculi membranæ
obducuntur, quam a vino, quod copiosius
haurit monachus, deponi suspicor, quia in
omazo potissimum abundat. Id quoque adno-
tandum esse putavi: in fundum ventriculi mo-
nachorum inferi partem meatus fellei, per
omnem stomachum multiplici ramo luxurian-
tem, unde insatiabilis vorandi & bibendi sti-
mulus, perfectior concoctionis operatio, &
fors id explicatur: cur biliosissimum hoc ani-
mantum genus misanthropia æternum laboret,
bilemque in genus humanum continuo evo-
mat.

Non te fugit mi Physiophile! quantum
disputatum fuerit inter medicos: an liquida,
in

in ventriculū recepta, nonnisi per sinuosos
renū meatus in vesicā destillent, an vero
rami plurimi venæ gastricæ ventriculū per-
reptent, qui tenuiorem & subtiliorem ali-
mentorum partem exsugunt & immediato du-
ctu ad vesicā deferunt; illi venam gastricā
hanc functionem exercere negarunt; hi in
mediū protulerunt exempla bibonū, qui tan-
tū hauriebant, ut incapacem hujus diluvii
stomachū rumpi oportuisset, nisi natura ad-
aptasset portā quandam, per quam absque
impedimento in vesicā via recta derivaren-
tur fluida. Dissectiones cadaverū, quas in-
stitui, lixem facile component. In homine ve-
nam gastricā hoc officio vix aut ne vix qui-
dem fungi, in siticuloso monacho autem per
eam liquida immediate in vesicā deduci ex-
pertus sum, quod dudum *Hunterus*, anatomi-
corū ævi nostri facile princeps, qui systema
vasorū absorbentium tam ingeniose dilucida-
vit, observasset, nisi e Britannia feliciter exu-
larent monachi, ipsique anthropomorphū
hoc animantum genus eviscerandi & cum ho-
mine comparandi opportunitas denegata fuisset,

Pro-

Profecutus officium anatomici descendi in infimum ventrem & Duodenum, Cæcum, Colon, Rectum & intestina reliqua perfecta quidem at non in gyros convoluta, sed fere recta aut tantisper sinuosa vidi, ut in animalibus gulosis & rapacibus, præcipue in lupo, esse consueſcuat, nec dubito cadaver helluonis illius, in quo unum tantum intestinum, signæ forma intortum, vidit *Cabrolius*, a monachi anima quondam vivificatum fuisse.

Inspectis organis primæ coctioni vel chy-
lificationi dicatis, accessi ad ea, quæ ad secundam coctionem seu sanguificationem, & dein quæ ad procreationem faciunt. In his primum occurrit hepar, validis abdomini & diaphragmati annexum ligamentis, quatruplo vel quintuplo majus ac in homine, & in lobos plures divisum; magnitudo hepatis a nutrientorum copia, & gula monachorum verosimiliter oritur; forma lobata vero probat, internam monachi fabricam vix non eandem esse, quæ in brutis, & *Plempium*, qui jecur humanam semper in lobos divisum esse asseveravit, non errasse, nisi quod eas, quas e dissectionibus monachi hausit, observationes, corpori hu-

humano attribuerit. Adhæret fideliter hepati vesica biliaria, seu folliculus fellis, in biliosis his animalibus major quam in homine. Subintrans per meatus felleos copiosior bilis, hepar mirum quantum calefacere, digestionem confortare, & corpori monachorum, quod a putredine quoque tuetur, optime conducere debet, ita ut bilem recte cum *Helmontio* balsamum sanguinis monachorum appellares.

In sinistro hypochondrio lien seu splen, crassum satis, &, ut in brutis calidioribus apparet, nigricans, lustravi.

Memineris me, cum de ventriculo monachorum supra egi! *Helmontii* sententiam, quæ animæ, saltem monasticæ, sedem in ventriculo adsignat, amplexum esse; nec jam partes celeberrimi hujus physici deferam, qui lienem pro organo immediato animæ sensitivæ venditat, per quod vitalis animæ in stomacho residentis actiones determinantur, & in quo intellectus monachorum latitat.

In.

Intimam lienis cum ventriculo connexi-
nem nemo nescit, & si anima monachi in ven-
triculo habitat, oportet quoque, ut actiones
suas exerceat per organa ventriculo proxima,
cujusmodi lien est, ad sanguinem per totum
corpus emittendum destinatum, pluribusque
arteriis repletum. Egregie huic opinioni
nostræ succurrit celeberrimus quidam Physio-
logus parisiensis, qui stomacho repleto lienem
minoris esse voluminis observavit, quam eo
vacuo. Cibis enim farcto ventriculo anima
monachi tota absorbetur, & immergitur nu-
trimenti, nec actiones quasdam alias per to-
tum corpus manifestat, id quod in refectorio
cœnobii cujusvis oculis veluti spectare licet,
cum illato prandio nemo monachorum loqua-
tur, aut præter instrumenta masticationis quid
moveat, sed oculi omnium dapibus affixi hæ-
reant, ita ut unusquisque voluptate vorandi
quasi abreptus esse videatur. Hoc intervallo
in liene nulla certo producitur actio, & ideo
volumen ejus minuitur; decompositis & com-
minutis in ventriculo his alimentis incipit
anima monachi agere, digerere, digesta per
canales ordinarios fecernere, & , de novo
nutrimento sollicita, confortare & excitare
nutritionis organa, & hoc in momento tur-

get

get his curis oneratus lien; nec non inde explicabimus, cur lien a nonnullis fedes, risus appelletur; pleno enim stomacho contractior lien, per nervorum cum ore communicationem, risum in musculis vultus monachi effingit, qui evanescit iterum, quam primum repletio stomachi cessat. Ut denique omnia, quæ ad lienem pertinent, absolvam, crediderim: quod si, ut opinatur *Plinius, Fluddus, Fioravantius & Ruffetus*, homo exempto e corpore liene vivere posset, id impossibile fore in monacho, utpote in quo læsionem receptaculorum animæ, stomachi videlicet & lienis, lethalem esse oportet.

In parte superiore regionis lumbaris occurrerunt renes ampli fati, durique, superficie inæquali, & e tessulis quadratis triangularibusve botrytim compactis artificiose compoliti, ruberrimi, multo undequaque adipe circumfusi. Non me latet recentiorum observationibus certum esse; renes unice ad percolandum serosam & aqueam sanguinis partem, eamque per ureteres in vesicam deducendum formatos esse. In monacho

ve-

vero res aliter se habet. Discissis enim renibus tetrum spermatis odorem & ego & circumstantes discipuli perceperunt, nec ullus nostrum dubitavit, hoc in organo, ut pridem, præeunte *Olbasio*, *Sennertus* & *Olaus Wormius* de renibus humanis asseruit, focum ardentem existere, in quo semen coquitur, præcipue quum ad deferenda in vesicam fluida & serosa venam gastricam cum ventriculo communicare supra innuerimus. Renes ergo officina propria sunt spermatis monastici, in qua ignis inextinguibilis impuræ Cœnobitarum lasciviæ ardet, conservatur adipe circumfuso contra adfluens serum, augetur frictione indusii lanei, cilicii, cinguli, aut funis, & flagellis, renibus nonnunquam illatis, sufflatur.

Renibus incumbere vidi capsulas atrabilarias, orbiculares fere, & duplo majores, quam renes suos succenturiatos describit *Casseri*. Repletæ erant humore fœculento, nigro, biliario. Si de usu harum glandularum hodie adhuc inter se altercantur Physiologi, ego earum finem eum esse in monacho pro-

nuntio: ut sperma e renibus descendens & hac vasa præteriens semper bile inquinetur, hocque modo futuræ quoque monachorum generationi, vel si verbo uti licet, ipsis homunculis monasticis, germen bilis inferatur, quam adultior monachus in singulos a tergo, aut in omnes e suggestu aliquando evomat.

Ureteres exiles, tennes & ob immediatam fluidorum e ventriculo in vesicam derivationem vix in alium usum existere in monachis suspicor, quam ut exitus pateat superfluo ferro, quod nonnunquam immittitur in renes, ut irritatus aqueo humore ignis eo lætius ardeat. Nec de vesica, quod referam, habeo, nisi quod, si matula corporis in homine dicitur, dolium in corpore monachi appelletur oportet, quod crusta viscosa & elastica e fæce vini concreta circa circum munitum est, ne acrimonia urinæ corrodat, aut copia continentis fluidi disrumpatur.

Taceo vasa spermatica, præparantia, deferentia, ejaculatoria, & cetera ad procreationem pertinentia organa, quæ in monachis junioribus robusta, fini consentanea, & perfecta, in senioribus vero longiori & frequentiori usu exinanita & exhausta semper apparent; testiculos autem silentio præterire nequeo; non enim a vero abhorret, in his spiritum monachorum e spermate recocto & repurgato gigni, indeque per totum corpus diffundi; quam *Galen*i sententiam hodie dum gallus quidam physiologus — e monachorum fors dissectionibus — corroboravit, qui testiculorum & cerebri eandem plane esse materiam docuit. In tenebrosis his testiculorum latebris sedet æternumque sedebit infelix monachorum spiritus & ingenium, fruendi libidine solum occupatum. Ex his ergastulis erumpunt astutiæ, fraudes, blandimenta, impura desideria prurientis monachi, lubrica & ingeniosa veneris certamina, stupra, raptus, & reliqua hujus generis facinora, quæ severa quidem fronte & tristi supercilio, at non pudore & temperantia tegit monachus; nec incapaces tantæ rerum molis testiculos monachorum credas, nam maximi sunt, itaque constituti, ut, si Romanos recte fecisse asserant

jurisconfulti, quod ex lege nemo nisi testiculatus testem agere potuerit, sacrum quoque inquisitionis tribunal optime officio suo prospexisse videatur, cum monachos testes omni exceptione majores esse declaraverit; utpote testiculatissimos. In pene extraordinarium nil observavi, & rem ultra fidem exaggeravit D. Gregorius Nazianzenus (b); dum monachum carnes ampliores elephanto erigere narrat.

Absoluto infimo ventre ad medium & dein ad summum ventrem ascendi. Præplacet mihi hæc anatomicorum in summum, medium, & infimum ventrem divisio præcipue in monacho, qui totus quantus venter est.

Pri-

(b) Vide Muratorii *Anecdota græca* 34 epigr. 205. Patav. 1709.

Primæ in thorace occurrentes partes
 mammæ erant, pilæ, & subjecta pinquedi-
 ne elata nonnihil. Operæ præcium non esse
 putavi has dissectioni particulari subicere,
 sed annuens tantum opinioni tuæ, quæ mona-
 chum mammalibus adcenfet, scalpello interio-
 ra thoracis peruestigavi.

Diaphragmati summum consensum esse
 cum cerebro humano, ideoque delirare ho-
 minem læso diaphragmate medici dudum sta-
 tuerunt; at ego hunc nexum diaphragmatis
 cum cerebro monachorum, id est cum testicu-
 lis detegere non potui. Mente quidem cap-
 tum monachum dices prurientem, aut inhian-
 tem prædæ; quum vero cerebrum monachorum
 partibus generantibus proxime adhærere jam
 demonstravimus, diaphragma hic, quod agat,
 non habet. Sed esse quandam testiculorum
 cum musculis oris communionem *Riolanus*
 ad oculum evicit, qui convulsivum risum sub
 castratione cujusdam — monachi? — obser-
 vavit, quem sardonium risum a nervorum,
 a testiculis ad os ascendentium, vellicatione, &

divaricatione provenire putaverim; Videtur denique diaphragma in monacho adesse solum ad liberiores respirationem, & excrementorum exclusionem.

Post diaphragma ad pericardium — alterum cordis involucrum perveni, quod humore vinoso repletum reperi. Nec displicet Aristotelis sententia, majorem hujus humoris quantitatem a copiosiore potu esse, cujus pars aliqua, roris modo, ex aspera arteria fors in venosam penetrat, ut cor monachi humectet, refrigeret, & exhilaret. Ruptis his claustris cor ipsum curiosius lustravi, quod hucusque pro principe animalis cujusvis parte habui. At aberrat in quavis fere monachi specie cordis forma, magnitudo & materia. In quodam monachi Latrappii cadavere cor plane nullum deprehendi, quam cordis absentiam *Schenkius* quoque olim adnotavit. An a demone suffuratum fuerit? ut vult *Bartholinus*, an vita horum alio quodam modo sustentata fuerit, disputationi physiologorum relinquo. E monacho hispano, sacri olim tri-

tribunalis, quod in hæreticam pravitatem inquit, officiali, cor pilosum, & hirsutum extraxi, quod in latronibus quibusdam se quoque vidisse testatur *Benivenius*, & *Muretus*. Cartilagineum cor autem, quale in scelesto quodam observavit *Riolanus*, in monacho, scæcæ inquisitionis apud nos præside, vidi. Cæterum in omnibus monachis cor minoris est voluminis, quam in homine, quia callidius est & audacius hoc mammalium genus. Num vero in monacho axillæ emunctoria cordis, ut in homine, an renum emunctoria dici debeant, dubito, quia hircum potissimum olent; Patet ex his, quæ attuli, cor nullius omnino momenti, & quasi superfluum nec ad aliud quid destinatum esse in monacho, quam ut sanguinem venosum ab auriculis acceptum in arterias transmittat, totique corpori nutrimentum dispenset, quod officium natura forte per hepar supplet in monachorum speciebus, quæ corde penitus carent.

Nequit autem monachus carere pulmonibus, ceu instrumento unico, quo provida na-

tura hoc animal, quod cum sui generis hostibus pugnis dimicet, in perniciem generis humani armavit. Utitur his armis sedulo monachus. Inflat pulmonibus, excitat, desperat, accusat, execratur, excommunicat, anathematizat, & effutiendo dira quæque damnat, & pœnis æternis addicit quotidie genus humanum; addit his convicia, calumpnias, detractiones famæ, suggestiones, minas, declamationes, & hac non interrupta pulmonum exercitatione, quæ fixo certis diei & noctis horis latratu, ejulatu, clamore, cantu augeatur, folli instar aerem inspirat fortiter expiratque, & sic pulmonibus tanquam flabello calorem cordis & sanguinis ventillat & refrigerat. Ideo bipartitos monachorum omnium pulmones, magnos, elasticos, molles, flexiles semper vidi, & conclamatum esse de monacho arbitror, cujus pulmones vitio quodam, quod plenum eorum usum impediret, laborant.

Adnati huic folli canales minores ramosi
 eocunt tandem in fistulam, quam tracheam,
 seu asperam arteriam appellamus, per quam
 aer

aer adfertur pulmonibus, & in ejus suprema
 extremitate seu larynge vocis modulatio
 perficitur. Nil differt in monacho a commu-
 ni & ideo in contractione, exsiccatione, hu-
 mectatione vocalis hujus fistulæ potius, quam
 in ejus figura causam diversi in quavis mona-
 chorum specie clamoris quærendam esse exi-
 stimo; experti sumus ab abundantia potus &
 oleoso humore contrahi tracheam & raucam
 fieri, exsiccatione autem intendi, & clangor-
 sam evadere; inde profundus, raucus, ingra-
 tus, asper, nasalis, dissonus, tremulus vocis
 sonus in bibulis, ichthyophagis, aut oleo vi-
 ctitantibus monachorum speciebus; in illis au-
 tem, quæ firi æterna cruciantur, vox clamo-
 ra, & clangora; quamvis non diffitear, fistu-
 læ pulmonariæ & maxime laryngis amplitu-
 dine, angustia, brevitate, longitudine, & ut
 Hippocrates innuit, nimio vel moderatiore
 veneris usu in singulis monachis aliquam vo-
 cis mutationem produci posse,

Adstat tracheæ non ignobilior altera fi-
 stula, œsophagus nempe, a faucibus recta de-
 scendens in ventriculum, ut per hoc infundi-

bulum appetenti animæ nutrimentum brevissima via advehatur. Utrumque hunc canalem ambit, & continet collum, per quod summus venter cum medio conjungitur, crassius in nonnullis monachorum speciebus, depressum in omnibus. Hæc colli seu cervicis depressio, & dorsum incurvatum, quod in sceletis monachorum passim spectare licet, videtur doctissimum italorum physicum in errorem induxisse, qui nuper plane hominem a natura eo destinatum esse prædicavit, ut prono corpore quatuor innixus pedibus ingrediatur; ego vero ex eadem hac colli & dorsi structura præsupposui: monacho perpaucum esse cerebri, & nequaquam mobile; cum enim erectos ad sidera vultus tollere nequeat, cerebrum fixum esse oportet, quia mobile, & ponderosius in depresso capite per gravitatem suam ex adsignato sibi loculo excideret; & cum proprium monachi cerebrum alio in loco, capiti e diametro opposito, lateat, in hujus granio vix tanti voluminis esse posse suspicatus sum ac in brutis omnibus, quæ capite depresso incedunt.

Nec

Nec fefellit me opinio; dissecto enim capite cerebri quidem nonnihil, substantiam, vero medullarem & cerebellum nullum conspexi. Nec a vero est ablimile idem phænomenon frequentius in pluribus Francisci & Dominici monachis observatum fuisse, quia utriusque hujus speciei lumina *Thomas Aquinas*, & subtilissimus *Scottus* ne cerebrum quidem ullum ad vitam humanam necessarium esse docuerint. Fors & ideo capite raso incedit monachus? Si enim ad ornandum cerebrum capillos pertinere pronuntiant physiologi, an opportune ageret monachus, qui prætenderet hederam cauponæ, quæ vino caret? Pascunt vero barbam voraciores nonnullæ monachorum species, ut, quod operæ pretium est, exornent, & venerabiliorem reddant portam, quæ machinam masticatoriam, cibos ad faciliorem concoctionem præparantem, claudit, in qua prima fit cibi apprehensio, & per quam ingeruntur in ventriculum alimenta corporis & animæ monasticæ.

Re-

Reliqua capitis & vultus forma ab humana non discrepat; nec jam his omnibus plura addam, ne patientiam tuam fatigem, præsertim cum primum ex subsecivis monachorum dissectionibus, quas omni studio prosequar, musculorum, artuum, arteriarum formam, & nexum, nec non ossium compagem, & horum omnium differentias & aberrationes extricare licebit, quæ si digna attentione tua credidero, tecum communicare non intermittam.

Interea ex his, quæ attuli, observationibus argumentari poteris: stomachum, lienem, pulmones, & genitalia partes esse principales monachi, cujus anima in ventriculo, intellectus in liene, spiritus in testiculis, arma in pulmonibus hærent, & vix pro miraculo haberi posse, si monachus absque capite ambularet aut transfixo corde loquatur. Esse demum monachum nequaquam hominem, sed animal anthropomorphum, non ratione sed instinctu solum naturali agens, in quo proprie

Cor

Cor nil agit, pulmo loquitur, fel commove
iras,


Ventriculus cogitat, testiculi sapiunt.

Vale!


Dabam Romæ in Nosocomio

S. Spiritus V. May.

1784.














**This book is under no circumstances to be
taken from the Building**

[illegible]



